



江北運程卷二十三提綱

山東兗州府滕縣至嶧縣境

運道自李家口劉昌莊北接新河濟運者泇河也

五派泉源一曰泇河派

泉出於滕

於嶧

計凡九

泇河經滕縣自夏鎮插南劉昌莊上接沛縣入境起

東岸經修永插西岸經雙孔插雙減插

江北運程

卷二十三 提綱

十里右滕縣西灣

五里滕縣十字河滕縣東岸有彭口

五里滕縣彭口插滕縣

八里滕縣三娘廟滕縣

十里滕縣赤山滕縣池南滕縣河有張阿插

十五里滕縣木蘭寺滕縣

五里滕縣朱姬莊滕縣

右自劉昌莊起至朱姬莊泇河行滕縣境計程五十八里

下入嶧縣界



江北運程卷二十三

甘泉董恂醞卿甫輯

山東兗州府滕縣至嶧縣境

運道自李家口劉昌莊北接新河濟運者泇河也。

漕運原始泇河以東西兩泇水得名。

通計泇河二百六十里在江南邳州境者一百里在

東省滕嶧二境者南至黃林莊北至李家口計一百六十里

東泇源發費縣箕山逕沂州卞

莊而南西泇出嶧縣北抱犢山東南流至三合村與東泇合又

南合武河至邳州入泗謂之泇口淮泗舟楫通焉嶧之南有中

心溝復受眾水下流東會承水入泇隆慶丁卯

恂按庚午四年

間徐邳淤都御史翁大立屢疏請開河自馬家橋經利國監入

江北運程卷二十三

泇口出邳州以避秦溝徐呂之險科臣駱

恂按明實錄作雜

遵言河出

馬家橋葛墟嶺高出河底五丈餘侯家灣梁城多伏石周柳諸

湖達邳州直河口須築隄水中功費無算議遂寢萬厯癸巳

恂按

二十一年雨潦大作河決汶上灌徐沛潰漕隄幾二百里總河舒應

龍求通洩之途於微山湖東得韓家莊其地在性義嶺東南不

經葛墟嶺而可引湖水由彭河注之泇乃疏請開支渠四十餘

里凡閱五月功成猶未能通漕也自黃堍口決鎮口淤數年間

專用力於分黃導淮及接引黃流出小浮橋濟運而開挑未久

淤塞隨之己亥

恂按

秋都御史劉東星來治河與夏鎮分司

梅守相議舉韓莊未竟。河工淺者深之，狹者廣之，并鑿侯家灣梁城，通泃口，使可行舟。以水溢暫輟。（徇按二）十九年春，上疏請竟

前工，得報可。於是不問淺狹難易，一切修濬，建鉅梁橋石牖一

德勝萬年萬家莊各草牖。一是年漕艘由泃河行者十之三矣。

癸卯。（徇按三）霖雨水漲，河決黃莊，入昭陽湖，穿李家口，逆行從

鎮口出都。御史李化龍復計開泃，乃議棄王市以下三十里之

泃河，逕從王市取直。達紀家集南，取當河深處以避鑿，郟山及

周柳諸湖百里之險。通計挑河建牖，工費二十萬八千一百

有奇。乃上疏言：今之稱治河難者，謂河由宿遷入運，則徐邳涸

江北運程

卷二十三

二

而無以載舟，是以無水難也。河由豐沛入運，則漕隄壞而無以
維縉，是以有水難也。泃河開而運不借，河有水無水，第任之耳。
疏淪決排皆無庸矣。善一，又以二百六十里之泃河避三百三
十里之黃河，二，洪自險鎮口自淤，不相關也。善二，運借河則河
爲政，河爲政則河得以困我，運不借河則我爲政，我爲政則我
得以熟察機宜而治之，其利害較然睹矣。善三，糧艘過洪，每爲
河漲所阻，運入泃而安流無患，過洪之禁可弛，參罰之累可免。
善四，廷議躉之，遂改挑直河之支渠，修砌王市之石埧，平治大
泛口之湍溜，撈濬彭家口之淺河，建牖築埧，次第畢舉，而運道

實賴之矣。漕運全書泲河考。泲河者。明河臣李化龍所開。以避黃利運者也。以東西兩泲水得名。東泲發源費縣箕山。經沂州卞莊而南。西泲出嶧縣抱犢山。東南流至三合村。與東泲合。又南合武河。至邳州入泗。謂之泲口。明初運道經徐州呂梁二洪。懸流水險。隆慶初。都御史翁大立屢請開泲。自馬家橋至邳州。以避二洪之險。因經費難籌而止。萬曆二十一年。汶泗泛濫。隄潰運阻。挑韓莊中心溝。通彭河水道。以入黃。而泲口始闢。其後二十五年。河決黃移。二洪告涸。乃令河臣劉東星尋韓莊故道。鑿良城侯遷莊。及挑萬莊。由黃泥灣至宿遷董家口。而泲脈始通。至三十年。河決沛縣。由昭陽湖穿夏鎮。橫衝運道。總河李化龍乃復請開泲行運。自夏鎮迄於董口。綿互二百六十里。以避黃河三百六十里之險。改李家港以避河淤。開王市田家口。以遠湖險。中鑿邠山。以展河渠。建韓莊德勝張莊萬年丁廟頓莊侯遷臺莊等八廂。以節宣水利。漕臣楊一鵬復行修改。避灣取直。糧艘遊行。尤爲便捷。河臣曹時聘大加展拓。建埧遏沙。修隄度緯。而泲爲坦途矣。國朝乾隆二十三年。於湖口廂迤北。建滾水石埧。水大則漫埧宣洩。水小則收蓄濟運。漕運民田。均資利賴。河防志。泲河以嶧縣東西泲水得名。隆慶丁卯庚午間。都

御史翁大立屢疏請開河自馬家橋經利國監入泃口出邳州以避秦溝呂梁之險議不行萬厯癸巳河決汶上灌徐邳潰漕隄二百里總河舒應龍求通漕之途於微山湖東得韓家莊可引湖水由彭河注之泃開支渠四十餘里工成猶未能通漕也己亥秋都御史劉東星來治河舉韓莊未竟之工辛丑春再修浚建鉅梁橋石牐一德勝萬年萬家莊各草牐一是年漕艘由泃河行者十之三矣癸卯河決黃莊入昭陽湖都御史李化龍定計開泃棄王市以下三十里之泃河逕從王市取直達紀家集南當河深處以避鑿郝山及周柳諸湖百里之險遂改挑直

江北運程

卷二十三

四

河之支渠修砌王市之石坦平治大泛口之湍溜撈濬彭家口之淺沙建牐設埧次第畢舉通計開泃二百六十里內分邳屬一百里隸中河而夏鎮所隸自李家港口東至黃林莊一百六十里屬滕縣者五十里屬嶧縣者一百十里明副晝泃河自邳州抵夏鎮凡二百三十里中微湖沂河兗東汶泗沂費滕嶧諸山水鍾焉爲徐邳橐鑰引泉水以達呂湖引湖水以入泃河由宿遷出口與淮流接可避黃河之險隆慶中朱衡建議下羣臣熟計嗣是言官屢請舒應龍創開韓莊渠分洩湖流積劉東星分委諸臣併力疏關又開黃泥灣支渠節縮湖流築塞舊漕使

水專一而不分。建立垣牖。使水潴蓄而不洩。然河狹微有土山。第便輕舟。其下版石。人力難施。而說者以開韓莊之山。疆不過數十里。鑿梁城之山。渠不過十數里。費金錢不過數萬。憚此數十里之艱。而日與黃河爭數千里之利。惜此數萬之費。而歲置十百萬於洪濤滂瀆之中。孰難孰易。况設牖必須用石。則開鑿亦非虛糜矣。恂按。泲河之役。亦一大役也。創議於翁大立。再議於傅希摯。小試於舒應龍。再舉於劉東星。告成於李化龍。引伸於曹時聘。其間屢興屢罷。卽朱衡萬恭。潘季馴。夙以善治河聞。猶不謂然。他無論已甚矣。功成蓋若斯之難也。明穆宗實錄。隆

江北運程

卷二十三

五

慶三年九月癸酉。總河翁大立。字孺參。餘姚人。言臣按行徐州。循子房

山。過梁山。至於境山。入地浜溝。直趨馬家橋。上下八十里間。可別開一河。以漕其利。有十自秦溝濁河。至徐州。洪諸狂瀾激湍。遠不相涉。一也。依山爲隄。雖有洪濤。必不泛濫。二也。漕舟循隄而上。牽挽不難。三也。無茶城淤淺之患。省盤剝之費。四也。由馬家橋至境山四十里。由境山至徐州。洪四十五里。視舊河爲近。驛遞夫價。並可減省。五也。驛路改從新隄。往來逕捷。六也。徐州募夫。可併呂梁二洪。徭夫。可遂裁革。七也。計沛縣六鋪。至境山築隄百里。當用銀十三萬有奇。今開新河。則長隄可緩。費益大。

省八也。糴穀貯食。假工役以濟飢民。兼節財賑荒。弭盜之術。九也。棄舊河以爲水壑。卽河決谷亭沛縣。從鴻溝以泄。徑從小浮橋下徐洪。運道無梗。十也。顧其難亦有三。地浜溝當築大垣。接黑龍潭隄。至楊山垣。西當別開一道。至舊河繞出茶城。卽鎮及

開渠建廂。費皆不貲。此其難在工費。歲屬大饑。而徭夫工食。往往不繼。待哺之民。怨讟易生。此其難在工食。役夫二萬。仍聽番休。而錢糧不益。淹以歲月。必招謗議。此其難在工程。犯此三難。以興十利。臣固未易辦也。惟上速集廷臣議之。章下工部。以大立議爲便。請行撫按及巡鹽官相度地形。並議錢糧夫役。以請

江北運程

卷二十三

六

從之。隆慶六年閏二月壬申。禮科給事中雒遵會勘泃口河。議以爲不便。乃言泃口河從馬家橋東過微山赤山呂孟等湖。踰葛墟嶺而南。經侯家灣。良城至泃口鎮。又涉蛤鰻周柳諸湖。乃達邳州直河口。以入黃河。凡二百六十里。取道雖捷。施工實難。葛墟嶺高出河底六丈餘。開鑿僅至二丈。礮石水泉湧出。侯家灣良城雖有河形。水中多伏石。不可施鑿。縱鑿之。湍石不可以通漕。且蛤鰻周柳諸湖築隄水中。工費無算。微山赤山呂孟等湖雖可築隄。然鑿葛墟嶺以洩正派。開地浜溝以散餘波。要其施工又自有序。夫與其煩勞厚費以開泃口之河。孰若時加修

防如期償運。保百數十年之故道。疏上。詔工部尚書朱衡總理河道。都御史萬恭覆勘以聞。六月己卯。朱衡請寢。泃河之議。言泃口河開鑿之難有三。一則葛墟嶺開深之難。一則良城侯家村鑿石之難。一則呂孟等湖築隄之難。先是漕河淤塞。損船傷米。臣思前河臣翁大立請開泃河以救然眉之患。今漕河通利。徐邳之間隄高水深。使歲加修葺之工。自可無患。固不煩別爲建置。况公帑空虛。支費不給。瀕河生靈。從事徐邳之役。勞者未息。呻吟猶聞。揆之時勢。誠所弗宜。萬恭治水筌蹄。泃口河從馬家橋入微山諸湖。穿梁城侯家灣。取道於利國監。經蛤蟆周柳諸湖。出邳州直河入黃河。有六難焉。微山諸湖水中不可隄。一也。梁城侯家灣葛墟嶺皆數十里。頑石不可鑿。二也。礪石水中。隨撤隨合。金火不可施。三也。嶺南去徐呂二洪一舍耳。二洪高下相等。避徐呂二洪險。葛墟洪險復生。四也。假令治泃河卽不治。徐邳河猶可。萬一泃河成。歲治之。而徐邳河非無事之水也。而又治。是兩役也。勞不已甚乎。五也。計鑿梁城侯家灣。非五百萬不可。視今治徐邳河。五百年之費也。况未必成。六也。治泃河策宜永罷之。徐象梅兩浙名賢錄。馮敏功遷河南左參政。時少年喜事者。欲從泃口穿葛塢諸山。抵南北大湖。中界兩長隄爲

運道以示奇。柄相以敏功。熟於河。徵敏功與議。且將屬之敏功。念諸山道約二百餘里。多盤石。礮砂不可鑿。大湖相連十四。不易隄。民力幾何。而虐用之。持不可。乃寢。神宗實錄。萬曆二年九月丙子。工部覆工科給事中吳文佳言。茶城黃淮交會。數千糧艘。皆由此一綫之路。如數十里之茶城一淤。卽有計疏通。無救。且夕。查得先年總理河道都御史翁大立建議。欲從子詹當卽房字之。山梁山至馬家橋。上下約八十餘里。另開新河。置舊河於隄外。凡黃河出口之地。並不相及。而波濤可避。良爲得策。但稱由梁山之下。張孤山之東南。花山之西。新衝河形。南出戚家港。會

江北運程

卷二十三

八

於黃河亦可通舟。因勢利導。就下爲川。頗與原議稍異。宜令總理河道等官。親詣茶城踏勘。從之。萬曆三年二月戊戌。總理河道都察院右僉都御史傅希摯上言。治河當視其大勢。慮患務求其永圖。頃見徐邳一帶河身墊淤。壅決變徙之患。不在今秋。則在來歲。幸而決於徐呂之下。猶可言也。若決於蕭揚之上。則插河中斷。兩洪俱涸矣。幸而決於南岸。猶可爲也。若決於北岸。則不走張秋。必至豐沛矣。臣悉心講求。竊維禹之治水。順水之性耳。今資河爲漕。方強水之性以就我。雖神禹亦難底績。惟創開泇河。置黃河於度外。庶爲永圖耳。泇河之議。嘗建而中止。謂

有三難。而臣遣錐手步弓水平畫匠人等於三難之處。逐一踏勘。起自上泉河口。開向東南。則起處低窪。下流趨高之難。可避也。南經性義村東。則葛虛嶺高堅之難。可避也。從隄溝河經郭家西之平坦。則良城侯家灣之伏石可避也。至於泃口上下河渠之深淺不一。湖塘之絡繹相因。間有砂礮無礙挑挖。大較上起泉河口。水所從入也。下至大河口。水所從出也。自西北而東南。計長五百餘里。比之黃河近八十里。河渠湖塘十居八九。源頭活水脈絡貫通。此天之所以資漕也。昔尙書朱衡之開新河。都御史潘季馴之開邳河。權救一時。其情事忙迫。工費浩大。難

江北運程

卷二十三

九

以名言。今雖尙幸無梗。然相時度勢。要之不免。卒有不虞。而後竭天下之財力。以通咽喉。何啻如新河邳河情事之洶洶而已哉。若以十年治河之費成泃河。泃河旣成。黃河無慮壅決矣。茶城無慮填淤矣。二洪無慮艱險矣。運艘無慮漂損矣。洋山之支河。可無開。境山之插座。可無建。徐口之洪夫。可盡省。馬家橋之隄工。可中輟。今日不貲之費。他日所省。抵尙有餘也。故臣以爲開泃河便。因列爲議工費酌工程。擬督工請監工四款上之。章下戶工二部議。三月丁巳。泃河之議。工科都給事中侯于趙疏言。事體重大。宜集廷臣會議。或行地方覆勘。又瀕河一帶水災。

頻仍大役驟興。地方隱憂不可不慮。戶科給事中湯聘尹言。曩者新河之役。議用費七萬。及其成功。殆十倍焉。今日雖議百萬。而大役難料。中道難輟。恐不能無倍於初議矣。宜大集心計。博采衆思。工費約用幾何。支給出自何所。開列奏聞。必儲蓄可備六年。然後可下詔興工。二疏俱得旨。下部臣覆請會議。上曰。開河事理。傅希摯所奏固已明確。但事體重大。不厭詳慎。廷臣會議。亦是虛文。甲可乙否。終難成事。命侯于趙親往會希摯及儂運。接臣確議以聞。丁卯。侯于趙舉原任都水司郎中張純。久歷河防。周知地理。乞添注原銜。同往勘議。泃河許之。六月辛卯。侯

江北運程

卷二十三

十

于趙等題會勘泃河事宜。自泉河口至大河口五百三十餘里。內自直河至清河三百餘里。自來河道無恙。無賴於泃。斷在可已。惟是徐呂至直河上下二百餘里。宜開以避二洪。邳河之害。約費可一百五十餘萬金。特良城伏石長五百五十丈。比原勘多四百七十丈。開鑿之力難。以逆料。性義馬陵俱限隔河流之處。二處既開。則豐沛河決必致灌入。宜先鑿良城石土。豫修豐沛隄防。而後前功可徐議也。戶部亦覆如科臣言。又謂正河有目前之患。而泃河非數年不成。故治河爲急。開泃爲緩。奉旨。侯于趙等所奏。與傅希摯原議大不相同。傅希摯久歷河道。當初

若無的見。豈敢漫興此役。此必該道等官畏工久羈官。故難其說。陰肆阻撓。勘官據其所言。漫爾回奏。其言先開良城伏石徐議興工。都是搪塞了事之語。深負委託。且泃口之議止欲通漕。非欲棄河而不理。今既說治河卽可以兼漕。便著一意治河。別工不必再議。今後漕糧開兌遲誤。責在漕運。舟行梗塞。責在河道。有曠職廢事的。都掣來重處。管河司道等官。都著久任。不許升轉。吏部該科記著。潘季馴河防一覽。或有問於馴曰。泃河膠河之議何如。曰。二河之不可成。備載勘議諸臣之疏。一覽自悉。然馴之意。則謂不當辨其可成與否也。假令膠泃告成。將置黃

淮於不治乎。抑將并治之也。夫治河之策。莫難於我朝。亦莫善於我朝。蓋宋元以前。惟欲避河之害而已。故賈讓不與河爭之說。爲上策。自永樂以後。由淮及徐。藉河資運。欲不與之爭得乎。此之謂難。然以治河之工。而收治漕之利。一舉兩得。乃所以爲善也。故宋元以前。黃河或北或南。曾無甯歲。我朝河不北徙者。二百餘年。此兼漕之利也。今欲別尋一道。遂置兩河於不治。縱漕艘無阻。民可得食乎。况泃河必從直河沂河等處出口。復與黃合。而中段相隔之地。近者僅三四里。每歲水漲。勢必漫入。可不治乎。如欲併治。則張官置吏。設夫備料。歲費不貲。一之不支。

其可再乎。萬曆五年奉旨。先年以運道梗塞。不惜重費。欲別求一道。以利轉漕。議者謂治河卽所以通漕。遂降旨。專責當事諸臣。一意治河。大哉王言。可爲萬世著鑑。馴又何容復贅。神宗實錄。萬曆二十二年九月戊戌。韓莊新河成。山東全河備考。舒應龍字時見。全州人。萬曆二十年。以工部尙書兼右副都御史。總理河道。河決汶上。灌徐邳。潰漕隄。幾二百里。應龍求通洩之途。於微山湖東。得韓家莊。其地在性義嶺南。不經葛墟嶺。可引湖水。由彭湖注之。泲。乃疏請開支渠四十餘里。凡五閱月。工成。此開泲之首功也。二十二年。以河工成。進太子少保。萬曆二十六

江北運程

卷二十三

七

年三月庚子。工部覆工科給事中楊應文開泲河之疏。大畧謂。頃自峒口一決。黃河南徙。徐呂而下。幾於斷流。於是開李吉小浮橋等處。及鎮口以下。建牖引水。以通漕。目前似可無虞矣。然非永久之計也。泲河北接汶泗。諸水東受沂蒙。諸泉其源本易竭。而岸高土堅。又能束其流。而使之不漫。卽有湖也。而涯涘可循。卽有石也。而罅漏可鑿。隆慶間。河臣翁大立。萬曆間。河臣傅希聖。嘗議開而不果。若以河道歲修之費。而用之於此事。半功倍。一勞永逸。臣固以爲泲河宜議也。科臣之言。良有深見。但事在彼中。難以遙度。宜咨河臣及巡漕各御史。勘議可否。以爲

行止。報可。萬曆二十八年十二月辛卯。工部覆直隸巡按俱祺奏。用黃河爲漕。有利有害。用泃河爲漕。有利無害。但泃河之外。若繇微山。呂孟周柳諸湖。伏秋水發。不無風波之險。冬春水涸。未免淺阻之虞。必須上下另鑿漕渠。建牖節水。庶幾通漕攸利。萬曆二十九年九月乙未朔。工科左給事中張問達言。自黃堙口之決而南徙也。徐邳三百里間。幾至斷流。河臣乃議開趙家圈。以黃河故道。不及四十里。接引黃流。下通三仙臺支渠。出小浮橋。以入運河。趙家圈告竣。復採舊議。開泃河。會黃流。引汶泗山川泉源之水。以爲運道。便宜經久之謀。心亦良苦。然地多沙石。工尙未就。而趙家圈日就淤塞。因而斷流。徐邳間三百里。河水尺餘。糧船停閣不行者幾一月矣。及入牖河。又多淺阻。臨清以北。河流甚細。此一萬二百七十有餘之艘。相與爭一綫之水。而不能速進之故也。乞敕該部設法起剝。早令南還。章下所司。已未。直隸巡按張養志言。治河之策。不越理黃河開泃河之兩端。而黃河之說有四。泃河之說亦有四。一曰塞黃堙口。以杜洩水之隙。蓋運道河身原淺。故蓄水不深。全賴黃水接濟。方可通運。自牖口一決。全河勢已南徙。見今口闊八十餘丈。水深二丈四五尺三丈不等。以致東河微細。濁河乾涸。徐邳一帶。年年淺

翌前年開趙家圈二仙臺。今歲開李吉口。旋亦淤塞。職此之故。須將此口豫爲堵塞。使水不南洩。盡向東注。庶運河之水常盈。而糧艘可免阻滯。一日濬李吉口以通引水之源。自趙家圈既淤。所賴以引導黃水接濟運道。惟此口耳。黃堙口衝決日久。勢已深闊。須將此口大加挑挖。深闊相等。始得分奪其勢。但此口至運河長三百里。工力浩繁。合於每歲運畢之日。自李吉口至堅城集隸山東。自堅城集至鎮口隸徐屬。併力興工。大加疏濬。近口處闊二十丈。以下闊十餘丈。俱深一丈四五尺。庶可引水一半東注。而宿邳之間。可免淺涸之患。一日濬邳徐漕河以爲

江北運程

卷二十三

古

受水之地。自邳宿以至徐呂。地高河淺。難以蓄水。每至春夏之交。率多淺澗。合於初冬以後。將北自珠梅牐南至宿邳一帶。探勘淺處。卽以額設淺夫。大加疏濬三五尺。務俾深通。更於大浮橋地北劉家灣建牐一座。鎮口牐地北至玉皇廟建牐一座。以時啓閉。庶停蓄自深。節宣有具。一日築永夏隄以防決水之虞。此隄束水歸漕。關繫甚重。先年原係土民接築禦水。後因黃河南徙。水漲沙淤。前隄低矮單薄。去歲馬家溜何家集衝決數口。水盡南奔。不惟徐邳運道淺涸。卽永夏田廬亦被淹沒。今雖堵塞。尙未完工。近又衝決申家營三四十丈。若不上緊加幫。恐難

捍禦合於此隄幫修高厚。夯杵堅實。更接築大隄一道。直至大石山頭。俾南岸一帶俱有隄禦。以上四款。皆運道之不可缺者也。一曰開黃泥灣以通入泲之徑。邳州沂河口入泲河之門戶也。進口六七里有湖名連二汪。其水淺而且闊。下多淤泥。糧船至此沾滯難行。欲爲挑濬則無岸可修。欲爲埽垣則無根可據。查得湖外有黃泥灣離湖不遠。地亦頗低。自沂口至湖之北崖約二十餘里。合於此處挖河一道以接泲口。不必拘定丈尺。惟以可通運艘爲度。湖水引以灌河。湖身棄而不用。所費不多。成功亦易。運舟從此可以直達泲口。一曰鑿萬家莊以接泲口之

江北運程

卷二十三

五

源泲口。遞北有地名萬家莊。以及臺家莊。侯家灣。梁城等處。原係山岡高阜之地。且多砂礪石塊。極難爲工。河臣劉東星併力疏鑿。業已成河。今歲輕小糧船已通行三五十隻。但河身尙淺。水止二三尺不等。江浙湖廣糧船重大。難以通行。合於此處更加鑿削三五尺。俾韓莊之水。下接泲口。並蓄水五六尺深。庶糧船不論大小。輕重沛然可達矣。一曰濬支河以避微口之險。韓莊之西有湖曰微口。上下三十餘里。水深丈餘。必測水勢深淺。插立標竿以爲向導。遇風揭帆。頃刻可過。偶遇暴風。不免漂流。今已於湖邊開支河一道。下接韓莊。上通西柳莊。四十五里。不

由湖中挽拽有路。合將此河再加疏濬。庶可免漂沒之患。一曰建牖座以爲蓄洩之具。地勢原有高下。則水自有淺深。萬莊一帶地勢原高。雖所開河身一二丈四五尺不等。較之泃河以南。猶爲高峻。北來之水至此南下。必速。合於此處。比照濟甯在城等處。或三五里。或十數里。相其地勢。建牖三五座。以時蓄洩。庶節宣有具。水可常盈。無淺涸之患矣。以上四款。皆泃河之不可缺者也。夫黃垆口。先是河臣以爲不可塞。而臣以爲可塞者。蓋彼時徐呂二洪。不患淺涸。而患衝決。故留之洩水。以防衝運之患。此時二洪。不患衝決。而患乾涸。故塞之。借水以成濟運之功。

江北運程

卷二十三

六

泃河先此河臣以爲不可開。而臣以爲可開者。蓋前此疏鑿未至今。砂石已鑿深通。頗易。故謂其可開者。惜成功之不可棄也。此二役也。理黃河乃萬世不易之經。開泃河乃一時濟變之權。譬之用兵。黃河爲正。泃河爲奇。理黃河而並修泃河。此奇正並用。萬全之謀也。若修泃河而遂棄黃河。此舍正而用奇。非長勝之道也。工部覆奏。請命河道諸臣。勘議得旨。著速會勘。來行。毋得遷延。推諉。以誤漕計。十一月辛亥。河南道御史高舉疏。轉漕三策。一泃河之役。費累巨萬。而未奏成功。聞近日糧運空船。輕小貨船。閒有往來。而竟難濟運者。緣所挑河身狹而且淺。又中

有山一段。攻鑿爲難。故爾中棄。似宜大加疏鑿。而底於成。得旨交部議。明史稟劉東星奉詔開泃河。泃界滕嶧間。通淮海。引漕甚便。前總督翁大立首議開浚。後尙書朱衡都御史傅希摯復言之。朝廷數遣官行視。迄無成。畫河臣舒應龍嘗鑿韓莊。工亦中輟。東星力任其役。初議費百二十萬。及工起。費止七萬。而渠已成。十之三。會有疾求去。屢旨慰留。卒官。後李化龍循其遺跡。與李三才共成之。漕永利焉。神宗實錄。萬曆三十年閏二月甲午朔。鳳陽巡撫李三才議治河緊急之策。鎮口牐起。至磨兒莊。仿牐河之制。每三十里建牐一座。依時啓閉。以濟新運。及堅

江北運程

卷二十三

七

城集至鎮口牐止。挑濬河渠。約銀一十九萬有奇。六月辛卯朔。工部尙書姚繼可以僉事汪光岸備陳開泃河之利。知州俞汝爲疏內又極言泃河不必開。請命總河總漕及巡按巡漕巡鹽各御史同勘議。果事半功倍。永賴可期。卽速鳩工。以濟糧運。如或山多石梗。工鑿難施。不妨明白議止。并力故道。以節財力。詳妥具題。報可。萬曆三十一年十二月乙巳。工科都給事中侯慶遠。因河臣李化龍議開泃河屬之直河。以避河險。而商費頗賚。期工太速。遂上疏曰。泃之不可不開也。明甚。舒應龍劉東星已再試之而利矣。然開泃之工。雖不得比績安平。其視南陽之役。

則不啻等而過。而安平費至鉅萬。南陽改浚百四十里。爲費四十萬有奇。泃河上下二百六十里。殆又倍之。費止二十三萬。何其奮也。夫底闢三丈。舟不得轉。又不得方。不太狹乎。期以四月告成。不大迫乎。往以百萬開王家口。而盡委之泥沙。今尺寸見功。而靳於二十萬。不太失權衡乎。則爭其深闊。緩其事期。倍其估數。督河悉慮深計。計部水部協力助輸。陛下主其斷。專任而責成之。令得展布四體。力圖永逸。如所謂開碣頭。經落馬北岸。直指宿遷。永謝河伯之梗。勿徒託之空言也。又其地多岡麓。水行易迅。必岸深底平。流緩而後水可停蓄。蓄極始爲溜。以宣之。

江北運程

卷二十三

六

而仍攔以牖。水庶其不匱也。每牖必閘爲月河。令可容百艘。庶其可避水漲。敗舟也。岡水易淺。必相可以儲水之處。令容納細流。以備接濟。庶其不一瀉而盡也。往議取道於湖。今避淺遵陸。宜多其入漕之口。仍遮以隄。埧令逶迤乃下。庶其免暴漲之虞也。泃河成而治河之工。可以徐圖。但不病漕與陵。則任其所之。稍防疏焉。而不必力與之鬪。然河不可縱之入淮。淮利則洪澤水減而陵自安矣。下部知之。萬曆三十二年正月乙丑。工部題覆總理河道工部右侍郎李化龍疏。請亟開泃河。酌浚故道。大要言。河自開歸而下。合運入海。其路有三。由蘭陽道考城至李

吉口過堅城集入陸座樓出茶城而向徐邳名濁河爲中路由曹單經豐沛出飛雲橋泛昭陽湖入龍塘出秦溝而向徐邳名銀河爲北路由潘家口過司家道口至何家隄經符離道睢甯入宿遷出小河口入運名符離河爲南路南路近陵北路近運惟中路旣遠於陵亦濟於運前督臣排羣議興茲役竟以資用乏絕不得竣事然自堅城以至鎮口河形尙爾宛然爲今之計惟守行隄開泇河其善有六其不必疑有二泇河開而運不借河有水無水聽之善一以二百六十里之泇河避三百三十里之黃河善二運不借河則我爲政我得以熟察機宜而治河善

江北運程

卷二十三

九

三估費二十萬金開二百六十里比朱尙書新河事半功倍善四開河必行召募春荒役興麥熟人散富民不苦賠窮民得資養善五糧船過洪必約春盡實畏河漲運入泇河朝暮無妨善六爲陵捍患爲民禦災無疑者一徐州城向苦洪水暴至泇河旣開徐民之爲魚者亦少無疑者二題請遵照施行及工科都給事中侯慶遠亦題稱共贊河漕大計事部議泇河應挑直河應建廂座及築隄應用錢糧照議取用如或原議所開河底不無欠闕期日果爾太迫經費果爾不敷不妨照依科臣條議再爲增益以圖久遠上曰泇河旣屢經料理端緒可成該總河身

親籌度詳悉著卽上緊分工挑浚所議經費如有不敷許再增
益務圖久遠之計二月己酉河道總督李化龍題開泃分黃兩
工並急上曰河工既急所請錢糧原經題允數內者准就近借
資以濟急用五月辛丑河道總督曹時聘奏時李化龍以憂去泃河一

役肇於壬辰萬曆二十年之洩河水闕於辛丑萬曆十九年之達沂河而

避河鑿石遂成通津則河臣李化龍之議也上自李家港下至

直河口計長二百六十里已於去年萬曆三十一年四月盡行開通糧

艘之由泃而上者業五千餘隻矣祇緣張村集以下三十里直

河因其舊以爲渠意在省費而不料水漲沙壅舟行稍滯兼之

江北暹程

卷二十三

泃卑於直其水逆流土垣被衝其水旁洩遂不免爲全河之累

耳續該前河臣督行司道等官相度地形避高就下自張村西

南創開支渠一道長三十一里下接田家口去年所開舊河其

毛窩一段橫穿浮沙二十丈見用椿板鑲護內實老土王市口

之減水牐臺頓二莊之節水牐與夫彭家口之滾水垣一切易

之以石又自直河口以至劉家莊但係淺狹悉加闊濶今三月

二十九日工役告竣放舟而入臣由曹單豐沛閱視黃流周咨

挽回之策南趨鳳泗恭謁祖陵東出靈邳至於直口見運船鱗

集口外兩旁者不下數百艘督夫挽拽不兩日而盡臣尾之而

行沿途測量渠水。皆深六七尺以上。不惟無去年沙淺之虞。卽大泛口之溜。亦以下建牖座有所節蓄。而其勢轉平也。近據各官揭報。重船過王市口者。至五月初三日。已踰二千三十餘艘。使此後魚貫而進。無或脫幫。則運事之早於往年。當不止一兩月矣。凡此皆前河臣李化龍經理就緒。臣受事之始。獲睹成功。私竊慶幸。除增設牖驛官員。與一切善後事宜。陸續奏請外。謹先馳報以慰聖懷。疏下所司。八月丙午。河道總督李化龍奏報分水河成糧艘由泃河者已過三分之二。由黃河大溜者止三分之一。舊者已壞。新者未成。而過洪曾不逾限。國之福也。章下。

江北運程

卷二十三

三

所司癸亥工科右給事中宋一韓以漕渠淤澱論。舊河臣李化龍開泃之誤。因言曹時聘意主大挑。庶幾近之。乃責役於四百日之後。爲計亦左。且夫以募集恐難久恃。乞下工部遣諭覆議施行。從之。王申工部覆李化龍分水河成故道漸復疏。得旨分黃工役垂成。一切築埧塞決等項喫緊。各該撫按官務嚴行在河司道府縣等官併力修築。刻期完報。以成一簣之功。九月庚子。工部尙書姚繼可言。頃督臣所報分水河成。故道漸復。而又忽報單隄大潰。豐沛蕩離。魚濟運道危如累卵。夫以此時報河工之就緒。卽以此時報河流之橫決。宜行總河覆覈。上曰。河患

衝決不甯。先著作速保護漕隄。毋令妨運。在河官員必因總河
丁憂玩弛失事。俱難逃責。著河道嚴查以聞。仍及今水落時速
行疏塞。以待新官之至。十二月丁巳。姚繼可言。泃黃之役。不一
勞。則不永逸。不捐四十萬之金錢。二十萬之夫役。必不能收萬
全。總河李化龍所議。五河之支渠。王市之石牘。上緊挑砌。大泛
口之溜。彭家口之淺。作速浚治。惟在新河。臣速議。上曰。泃河著
實浚治。以資新運。黃河應否。大挑。新總理酌議具奏。宜速催赴
任。茗上紀聞。萬曆三十二年春正月。總理河道侍郎李化龍請
開泃河。曰。河自開封歸德而下。合運入海。其路有三。由蘭陽出

江北運程

卷二十三

三

茶城向徐邳。名濁河。爲中路。由曹單豐沛出飛雲橋向徐溝。名
銀河。爲北路。由潘家口入宿遷。出小河口。名符離河。爲南路。南
路近陵。北路近運。惟中路既遠於陵。亦濟於運。前河臣翁大立
舒應龍。並創泃河之議。至劉東星。大加開治。漕艘由泃行者已
十之三四。至李化龍。乃得竣事。漕運便之。南河全考。萬曆三十
二年。總河尙書李化龍。以爲黃侵緯道。漕事可虞。於是大挑泃
河。自直河口起。至李家港。止開拓二百六十里。漕艘始由泃河
通行。以避黃險。本年秋季。河由昭陽湖穿李家口出鎮口。全河上
灌南陽。北薄新店。神宗實錄。萬曆三十三年二月丁卯。丁憂總

理河道少保兵部尚書李化龍奏。臣以過大行虧。延禍臣母。蒙
皇上憫其憂苦。亟點新臣。又以河漕事重。命臣料理候代。臣思
漕河業已通漕。但直河一段沙淺。韓莊臺莊郝山一帶尚多淺
狹。因行司道官督率各府佐。於直河之南。另挑支河三十里。於
王市等處建牐三座。於彭家口臺莊等處。各加展濬。至一萬一
千三百丈。足行全運。臣之料理漕河者如此。又念徐邳之間。黃
河大洩。至不通舟。因行司道督率各府佐。將塘池馬家淺高家
灘。各挑月河一道。栲栳灣大加疏濬。牛角灣張孤山范家山等
處。俱大加開闢。令黃水順流南下。不復舊年景象矣。臣之料理

江北運程

卷二十三

三

黃河者如此。又念南陽西隄。頻年爲黃水壅。激湖水蓄蝕已多。
恐昭陽湖漸高。則黃水漸北。因而穿漕。是又一李家口也。因令
各官集料鳩夫。將南陽運河西崖釘橋下埽。實土築隄。以遏湖
波。又將單縣陳燦樓決口堵塞。以絕來源。臣之料理南陽一帶
漕隄者如此。臣身雖不能出。臣心不敢不盡。今已得代。備述上
聞。少釋南顧之懷。報聞。三月丁酉。總理河道工部右侍郎曹時
聘奏。臣先任應天巡撫蒙恩升任。於二月初二日渡江而北。初
十日至宿遷。與新撫臣周孔教面代。十二日至邳州。直河口。卽
加河之下流也。舊督臣李化龍咨送關防文卷。卽日接管行事。

舍舟登陸沿泇閱視。所有開渠建牐各工亦俱完及八分以上。其未竟者以水湧壅出頗難施力。臣酌其多寡難易限以日期。總之三月初旬工役俱竣。新河可以通行也。復輓舟而上。逐程按視如栲栳灣牛角灣二處跌溜甚險。督令設法疏治。務得其平。自牛角灣而上卽夏鎮也。黃水自昭陽湖散漫而南出李家口至范家山仍歸徐邳故道。第李家口外聯諸湖一望無際。勢如滄海。又自珠梅牐而上卽南陽也。一帶西隄因被黃流蕩齧。殘毀甚多。前督臣已大加修築。護以椿埽。但四顧皆水。雇船運土。遠在二三十里之外。計日程工。須四月初旬乃能竣事。彼時

江北運程

卷二十三

三

大幫始至。繚道已成。銜尾而行。可保必無梗阻耳。報聞。明史。李化龍字子田。長垣人。萬曆三十一年四月起工。部右侍郎總理河道。與淮陽巡撫李三才奏開泇河。由直河入泇口。抵夏鎮二百六十里。避黃河呂梁之險。再以憂去。行水金鑑。湧幢小品云。黃河在西北土稍堅。患衝突難禦。在東南土益鬆。患散漫難收。李霖寰決計走泇河。其言曰。黃河者運河之賊也。舍黃一里卽避一里之賊。其苦之如此。蒼叢云。明運道興廢不一。盛思徵旣開新河。被論中輟。越四十年而朱少保卒成其功。潘宮保開南陽河。經夏鎮。道留城出鎮口。以避黃水之衝。功亦偉矣。乃泇

河議興。則以三難二悔之說進。因此去官。尋泃河之役。亦報罷。越三十年。而李少保公然奏績甚矣哉。天下之事。功成遲速。蓋有時數存焉。神宗實錄。萬厯三十四年二月壬寅。廣西道御史弼言。泃河之役。亦一時權宜。但河塞而後議泃。則泃成宜必可以代河。今導河而河流愈漫。浚泃而泃河日枯。二役并興。一役莫竟。此不能圖終之過。不報。八月辛酉。河道總督曹時聘言。國家二百餘年。自徐而下。大都以河爲運。邇來遷徙不常。數失其利。二洪告涸。則諸溜難前。內外臣工。莫不以無漕爲慮。幸泃河一綫。先河臣舒應龍。搨開韓家莊。以洩湖水。而路始通。繼則

江北運程

卷二十三

五

劉東星大開梁城候行莊。以試行運。而路漸廣。比至三十二年。李化龍上開李家港。鑿都水石。下開直河口。挑田家莊。殫力經營。行運過半。而路始闢。至三十三年二月內。臣見改挑經始。運艘將臨。立限嚴催。多方鼓舞。暮春首夏。接踵告完。是年行運者八千二十二隻。今年糧艘七千七百六十五隻。盡數渡泃。則泃之可賴。豈不昭在人耳目哉。然漕渠成矣。河官未設。廂座建矣。官夫未定。轉輸通矣。置郵未改。萑苻警矣。司捕未立。兼之廂禁未嚴。節宣失度。水利一洩。立覩膠舟。臣不敢虜一簣之功。廣集衆思。謬畫善後六事。以聞。一議以兗東道加管河二字於原

領敕書內管滕嶧二縣河務。兗州府馬捕通判及嶧縣丞俱令兼管泇務。以便責成一議。以黃家廂官夫移之韓莊。留城廂官夫移之臺莊。馬家橋官夫移之頓莊。專司啓閉。一議趙村爲邳宿適中之地。萬家莊爲邳嶧適中之地。各添設一驛。以便應付。一議於嶧縣臺家莊地方添設巡簡司。置巡簡一員。弓兵四十名。以備干振。一議勢要人員。不得恃強阻撓。廂務以節水利。一議補築殘隄。截削灣背。展闊陘岸。疏浚淺沙。以收全功。皆從之。十月辛亥。蔭原任總漕工部尙書劉東星一子入監讀書。以議開泇河功成故也。萬曆三十五年二月癸卯。工部覆議泇河。

江北運程

卷二十三

三

善後六事。俱依議行。從總河曹時聘之請也。去歲漕河再決。蕭陽之間。以巨浸爲憂。自楊村集而下。黃垆口而上。再築再塞。凡用夫二十萬人。金錢八十萬緡。至是乃言。全河既已就軌。泇河委應厚終。開泇於梗漕之日。固不可因泇而廢黃漕。利於泇成之後。亦不可因黃而廢泇。兩利俱存。庶緩急可賴。如謂南陽之患已去。而徐邳之險可乘。異時有失。誰司其咎乎。因議築邳山之隄。削頓莊之背。平大泛口之溜。浚貓兒渦等處之淺。建鉅梁首衝之廂。增王市徐塘之埧。以終泇河未竟之功。四月戊申。曹時聘疏言。夏鎮分司原管廂河上自珠梅下抵黃家運渠地方。

不過百里。自梁境下俱屬中河。故責任差輕。自萬曆十六年黃河盛漲。倒灌鎮口。遂議將梁境鎮口並丁家集縷隄盡屬夏鎮。責任已倍矣。然此不過百五十里之河耳。今泃河既開。自李家巷至劉昌莊則係沛縣。自劉昌下抵黃林則入滕嶧之境。延長一百六十餘里。悉係漕艘。使官仍主事。則品秩未崇。敕諭未頒。則事權不重。宜將夏鎮主事改爲郎中。頒給敕書。照中河事例。庶事權重而臂指相聯。漕渠永賴矣。章下所司。十二月甲子。曹時聘以泃渠告成。覈實工費。請錄効勞官員。事下工部。萬曆三十六年二月乙丑。工部再請覆覈泃河工費及効勞官員。得旨。

江北運程

卷二十三

七

命巡漕御史查勘分別以憑激勸。萬曆三十七年十月乙丑。巡漕御史顏思忠條議漕規一建。插堤以竟前工。徐塘猫窩等處流沙爲患。先河臣議於閩家集田家口吳家沖建插三座。以備蓄積。於徐塘河王文溝王市溝建石堤。以備分洩。於張村長旺等口各築截河二堤。以遏流沙。至泃河之水。全藉南旺蜀山安山諸泉。須大加疏通。令泉脈湧注。又滄浪水改從針溝口入泃。自源槩委。亦濟運之上策也。章下部。萬曆三十八年九月丁巳。直隸巡按蘇惟霖疏陳黃泃利害。請專力於泃。其畧言。黃河自清河縣經桃源北達直河口。長二百四十里。此在泃下流。水平

深廣極力推運。舟止日行十里。然以別無所經。故必用之。自直
河口而上。歷邳徐二州。達鎮口。長二百八十餘里。是謂黃河。又
一百二十里。方抵夏鎮。東自貓窩。泐溝。達夏鎮。止長二百六十
餘里。是謂泐河。東西相對。舍此則彼。黃河水在三四月。則淺與
泐同。若五月初旬後。洶流自天而下一。步難行。又其水挾沙而
來。河口日高一。日七月初。輒淺洶十倍。無一時可繇者。繇之溺
人損儲。害甚劇。泐河一水安流。歲修有例。旣無溺溜。終鮮風波。
率而繇之。計日可達。卽河身稍狹。則水不若鋪灘而淺。其貓窩
諸淺。亦不必浚。蓋自河流至。則牖水積。山泉之脈。止有此數。河

江北進程

卷二十三

三

身高則高受。低則低受。深淺相隨。非云水深則深。水淺則淺。水
之多寡。不係河身深淺也。或有稍宜拓而浚者。但得實心任事
之河官。嚴其稽覈。因利乘便。不三五年。缺畧悉補。可成數百年
之利。唯於泐下流諸口。謹嚴防禁。而夏鎮之呂公堂。邳州之沂
河口。更甚。庶所藉蒙。獨諸泉沈泗濟諸流。不至隨到隨涸。乞下
工部。詳酌利害。一意修泐。以濟新運。留中。十月壬申朔。工科給
事中何士晉等言。運道最稱險阻。人力難施者。無如黃河。先年
水出昭陽湖。夏鎮以南。運道衡阻。於是開泐之議。始決入直河。
口。經貓窩。抵夏鎮。長二百六十里。較黃爲近。避淺避急。溜二洪。

之險。建牖置垣。聚諸泉河之水。以時啓閉。用之六年。通行無滯。今歲忽有舍泐由黃之議。卒致倉皇。損傷糧艘。且有淪溺以死者。費人工牽輓。有至大浮橋。以闕塞復還。由泐者。以故今運抵灣甚遲。汲汲有守凍之虞。由此言之。黃之害大畧可見。然泐亦未竟之功也。河面闊八丈。底闊三丈。深一丈三尺。至一丈六尺不等。節年雖有增修。大槩止此地。近湖山。岸泉引水。易盈易涸。全藉人工深厚。使有容受。蓄之勢。若河身太隘。伏秋則山水暴漲。旱乾則枯竭無餘。非策也。謂宜挑廣浚深。令與會通河相等。重運回空。往來不相礙。迴旋不相避。卽時有亢潤。地有高下。

江北運程

卷二十三

完

而水常充盈。舟無留滯。計歲捐水。衡數萬金。督以廉能之吏。爲期三年。可以竣工。然後循落馬湖北岸。東達宿遷。大興。畚鍤盡避黃河之險。則泐河之事訖矣。或謂泉脈細微。太闊太深。水不能。有不知泐源。遠自蒙沂。近挾徐塘。許池。文武諸泉。大率視濟甯。泉河畧相等。呂公堂口。旣塞。則山東諸水。總合全收。加以牖垣隄防。何憂不足。或謂直抵宿遷。此功迂而難竟。是又不然。夫昔年不估以二百六十萬乎。不慮山水暴漲。河水泛溢乎。不慮石礮山疆。難鑿沙淤奔潰乎。王市垣不再築。再圯乎。夫荒度誠難。不無錯愕。及任用得人。綜理有法。功成憂如此。難與衆人慮。

始也。然近日由黃之說。蓋因泲河二百六十里曠野新闢。人跡荒涼。萬艘蟻泊。公私旅困。恐生意外之虞。且計徐州一大都會。懋遷化居者。一旦有折閱之恨。然此害之小者。唯是飭郵傳。設機防。由之既久。漸成樂郊。何必徐土。此亦破紛紜之一說也。不報。萬曆三十九年二月乙酉。工部題覆總理河道右僉都御史劉士忠泲黃便宜疏言。泲梁厯春而夏。沂武京河水衝發。有沙淤潰決。歲終當如南旺例修治。其水將置何所乎。勢不得不塞泲河。令水復歸黃。臣議。每年三月初則開泲河。令糧運官民船由直河口而進。至九月初則塞之。每年九月初則開呂

江北運程

卷二十三

三

公。填入黃。以便回空。與官民船往來。至次年二月中則塞之。半年由泲。半年由黃。此兩利之道也。報可。萬曆四十年八月己丑。劉士忠言。泲黃並用。每年三月開直河口。填及彭家。填。閉呂公堂。填。俾汶泗諸泉之水。由泲專行漕運。及袍服。鮮貢等船。至八月終則塞之。每年九月開呂公堂。填。閉彭直二。填。俾諸泉河入黃。以利回空。及官民船。至次年二月終則塞之。半年由泲。半年由黃。相資兩利。章下所司。部覆如河臣言。上是之。萬曆四十四年十月丁巳。巡漕御史梁州彥上河漕事宜。一修治黃泲。自泲渠告成。歲避徐沛之險。而不虞黃河之近。廢不復修。廷臣以爲

漕利而不知漕終以此受病也。年來一決狼矢，再決三山，復決塔山，壁馬空沈。此塞彼潰，今歲狼矢又見告矣。以洪流漲發，高與隄齊，俯瞰徐城如累卵。決於南則靈睢爲壑，而泃虞徑瀉。決於北則泃爲尾閭，運隄宛在水中。漕舟不能飛渡也。爲今之計，宜議經久，使徐城不憂建瓴。泃岸不爲黃據，或於直口遞北運城舊隄，增卑培薄，繕治堅完。庶幾不逢其害。或於直口遞北運道，剏築隄岸，池西縷河而止。此隄旣成，有裨牽輓，兼足爲田廬屏障。不然，旋塞旋決，民勞已甚。且濁流歲蓄，泃底告淤，將無泃矣。崇禎長編天啓七年十一月壬辰愍帝時已卽位中書舍人李不伐

江北運程

卷二十三

疏訟故兵部尙書李化龍開泃之功，言其議開泃也。廊廟之議紛如，臣叔化龍一力擔當於上。郎中梅守相以勤劬拮据於下。決百年未定之議於一旦，以二十萬之估省三四百萬之金錢。以二百六十里之安流代三百三十里之險道，不半年而錫圭告成。所謂計便一時，永賴百世者也。至今未蒙錄敘，乞敕所司覈實覆奏。庶勞臣之功不至湮沒。從之。崇禎元年二月丙午，敘開泃河功。廕故兵部尙書李化龍子中書舍人開泃始末備錄。如右。江北運程凡二千九百二十七里有奇。泃之役爲里計二百有六十，尙不及十之一。而功成之難有如此者。

五派泉源。一曰泃河派。

張公奏議沂水蒙陰及鄒縣許池等泉。會沂汶二河而下。經古邳。與黃河入淮者。舊為邳州派。自新河開。而沂水蒙陰入沂諸泉已廢。至泃河開。卽並廢。夏鎮以南新河。而滕嶧二縣諸泉之。向入新河。以至留城者。盡移昭陽湖東。改入泃河。並南岸徐沛之泉。出夏鎮以南張莊等八牕。現在濟運者為泃河派。疏流濟運篇五派泉源。一自山東交界黃林莊起。北至韓莊牕。皆泃河所經。凡運河南北兩岸會嶧縣諸泉濟運者為泃河派。

泉出於滕。

江北運程

卷二十三

張公奏議滕縣三界灣泉。

距縣一百九十里。出微山石縫中流一里。入微山湖。濟運疏流濟

運篇滕縣運河西岸二泉。三界灣泉。

在縣南一百九十里。呂蒙泉。在縣南

十以上二泉。俱入微山湖。西南由湖口牕入運。山東運河備覽

滕縣泉三十有三。倘按詳卷二十一新河派

於嶧。

張公奏議嶧縣滄浪泉。

距縣西北八里。源出縣六十里。車稍峪下。卽滄浪淵是也。淵西舊有石刻孔子

聽孺子歌滄浪處。四圍峯巒突兀。兀俯臨澗壑。澗下一池。水深碧洞。味莫測。淵北有龍祠。土人謂內有穴數畝。達祠下。蓋神龍之

宅也。東流會入許池。石室二泉。東南流至泥溝。西分兩道。一西南五十五里。至丁廟牕。一東南五十里。至大泛口。入運。倘按全

河備考滄浪泉。卽滄浪淵。出車稍山下。長一百許池泉。距縣西北二十六步。至許池泉。一里。會入許池。石室二泉。北十里。

嶺阜下。泉凡五竇。曰珍珠。曰鍋。曰篩。曰金花。曰灰。惟灰泉稍濁。餘皆清澈。可鑿鬚屑。而統謂之許池泉。南會滄浪石室二泉。東南流至泥溝。而北巫山泉。自西北來。會同出大泛口。今建石垣於泥溝。遏之。由馬蘭屯出針鉤口。又於馬蘭屯築土垣。遏水向西行。以濟丁廟。牖。按馬石室泉。在許池泉東北半里許。東南蘭屯全河。備考作馬蘭屯。石室泉。流半里至泥溝。西分兩道。一

至丁廟。牖一至大泛口。入運。按全河備考。石室泉。距縣八里。去許由泉三十里。長半里。流至泥溝。西分兩道。牛山泉。

距縣西南三十里。巫山泉。距縣東南四十五里。侯孟泉。距縣西

流至德勝。牖入運。龍王泉。出黃邱山。東南。遶西北。流二十五里。會

張莊入運。許池泉。今開。加河後。至萬年莊。牖入運。疏

流濟運篇。嶧縣南北七泉。西北三泉。入滕縣。出彭口。支

在縣東南。南流至侯遷。牖東入運。滄浪泉。在縣北。四十里許池泉。在縣

北。石室泉。在縣西。以上三泉。會為承水。東南流。至針溝口。入運。

牛山泉。在縣西。南流。至張莊。牖東入運。龍王泉。在縣西南。東北

流。至萬年。牖東入運。侯孟泉。在縣西南。東北流。至德勝。牖東入

運。山東運河備覽。嶧縣泉十有三。按詳卷二。十新河派。

計凡九。

按據通志數之。滕二。嶧七。共九泉。

泃河經滕縣。自夏鎮。牖南。劉昌莊。上接沛縣入境起。

運河全圖。劉昌莊。泃河自此起。漕運紀程。滕縣至簿一員。該管

河道。南自吳家橋。嶧縣界起。北至劉昌莊。江南沛縣界止。計長

五十里。滕汛淺鋪十。曰朱姬莊。郝山下。王家水口。漸家渡。彭口。

江北運程 卷二十三 三

大王廟种家渡口官屋新支河口西灣大埧額設埧夫一百四十一名五分內協撥禹王臺三名又於雍正五年新改河兵六十一名。滕汛無廂座。偷按滕縣今有彭口張阿二廂茲云然者蓋作通志時猶未建也南自嶧縣

韓莊廂北至沛縣夏鎮廂計長七十里東岸進水有漸家口舊

彭口新支河口修永廂西鄰微山昭陽等湖減水有朱姬莊西

岸廂三空橋大水口劉昌莊張公奏議滕縣河道北自江南沛

縣界劉昌莊起南至嶧縣界朱姬莊止長五十里沛河廳冊滕

縣縣丞汛分駐兗州府滕縣運河東岸戚城向係主簿乾隆四

十六年改設縣丞經管河道北自沛縣交界劉昌莊起南至嶧

江北運程

卷二十三

壽

縣交界吳家橋止計五十里所管埧夫七十八名運河東岸接

沛縣汛交界修永廂北民堰長二丈四尺滕字石工三號修永

廂一座金門寬一丈六尺兩岸由身各長一丈五尺上雁翅各

斜長二丈五尺下雁翅各斜長二丈八尺共長十三丈六尺砌

石九層高一丈八寸

康熙二十二年建乾隆十七年拆修四十九年補修嘉慶四年二十一年拆修

永廂泉河一道長一千六百四十丈內引黃溝柏山馬蹏玉花

鳳池武興馬勝魏莊西魏莊趙溝十泉之水由修永廂入河濟

運修永廂下至彭口十字池池北民堰長七百一十六丈一尺

搶修彭口山河口門兩岸因沙土浮鬆北岸修做防風裹頭一

座長六十丈。南岸裏頭長三十四丈。均高一丈六尺。寬一丈。裏護沙山。搶修舊山河尾閘土垣外防風埽。工長二十四丈。高二丈。寬一丈五尺。搶修彭口山河埧下浮沙。長一百九十丈。口寬十丈。至十二丈。底寬八丈。至十丈。挑深臨時探量。受淤尺寸。彭口山河一道。發源費縣分水嶺。距河二百餘里。引仰珠大勝雙勝東雙勝蕊珠三山。溫水龍灣八泉水入河。濟運。嗣改挑新山河一道。上自余家橋。由孟家莊後取直形勢。仍出舊山河口。門入運。共長五百丈。伏秋大汛時。山水暴漲。挾沙而至。水去沙停。素稱古淺。隨時撈濬。新山河係乾隆四十一年改挑。接彭口山河南岸裏頭至

江北運程

卷二十三

三

彭口。廂。隄堰高阜並無工程。運河西岸接劉昌莊交界起。民堰長七十丈。

際字石工二十號。修永廂對過新雙孔減廂一座。金門寬四丈。

兩岸由身各長一丈五尺。四雁翅各長一丈五尺。共長十三丈。

中砌石垛一座。長一丈二尺。寬六尺。砌石十二層。高一丈四尺。

四寸。上搭橋梁。嘉慶十八年建。劉昌莊新雙孔減廂引渠一道。長二百

六十六丈。洩彭口山河及修永廂。泉河異漲之水入湖。乾溝至

雙減廂北。民堰長一百九十二丈。滕字石工二十九號。劉昌莊雙

減廂一座。金門寬四丈。兩岸由身各長一丈五尺。四雁翅各長

二丈五尺。共長十三丈。中砌石垛一座。長一丈二尺。寬六尺。砌

石十層。高一丈二尺。嗣拆修加石二層。共砌石十二層。高一丈

四尺四寸。乾隆三十三年建。嘉慶四年拆修。劉昌莊雙減牖引渠一道。長五百

六十八丈。洩彭口山河及修永牖泉河異漲之水入湖。接前至

彭口十字河引渠口門。隄堰高阜。並無工程。搶修彭口山河對岸引渠口

門南北兩岸。因沙土浮鬆。修做防風裹頭二座。裹護沙山。各長

七十丈。共長一百四十丈。寬一丈。高一丈六尺。搶挑彭口山河

對岸囊沙引渠一道。長二百九十丈。口寬十五丈。及七丈底寬

十一丈。及五丈不等。受淤尺寸。臨時探量辦理。洩山河異漲之

水入湖。偷按原冊此下紀接前引渠口門裏頭埽工至彭口牖詳下彭口牖條。

江北運程

卷二十三

東岸經修永牖。西岸經雙孔牖雙減牖。

四省運河圖說。修永牖泉河發源滕縣境。有鳳池等十二泉之

水。偷按十二泉曰鳳池曰東鳳池曰玉花曰武興曰馬勝曰魏莊曰新盛曰西魏莊曰趙家曰黃溝曰馬蹄曰柏山。入

河濟運。西岸雙孔牖雙減牖。皆減水入微山湖。山東運河備覽

北岸修永牖引山泉入運。南岸雙減牖宣洩河異漲。偷按備覽原圖

此頁開方作斜綫。云自德勝莊起至小長溝止。俱乾異向。一統

蓋修永牖在岸之東。而兼北雙減牖在岸之西。而兼南也。

志修永牖。在滕縣西南七十里。又縣南七十五里有三洞牖。九

十里有減水上牖。八十里有減水下牖。皆在微呂二湖間。蓄洩

河水以濟運。水道提綱。至夏鎮牖有玉花河自東北來注之。又東入山東嶧縣西

界北受玉花河南派水。續行水金鑑今按山東全河備考玉花

泉。距縣東南三十五里。出鄭家莊土中一里入位家灣。共七十

里。入劉昌莊。魏莊泉。卽位家莊泉。距縣東南三十五里。出魏莊

村土中。三十里入位家灣。共六十里。入劉昌莊。黃溝莊泉。距縣

東南七十里。出黃家莊土中。八里入白山泉會河。共十八里。入

劉昌莊。白山泉。卽柏山泉。距縣南七十里。出白山坡土中。二里

入馬蹏泉。馬蹏泉。距縣南七十里。出白山坡土中。一里入白山

泉會河。入劉昌莊。倘按修永插。在劉昌莊。插對岸有劉昌莊墩。

國朝嵇璜疏。泇河廳劉昌莊通湖水口一道。原寬二十八丈。係分洩彭口山河。異漲以達於微山湖。伏秋汛水長發。口門

江北運程 卷二十三

三

刷寬湖河相連。漕船經行有礙。挽繆每年修築草土夾填。搭架木橋。動費錢糧。不能經久。臣與道廳等審度形勢。應在水口中間設兩空減水石橋一座。上架木橋。兩頭接隄。估銀一千七百餘兩。卽於運河道庫節省。入東頂下。動支毋庸另撥。司庫銀兩。旣通糧船。緯路仍可洩山河。異漲之水。一勞永逸。於工程有裨。倘按此奏。在乾隆三十三年正月。在東河總河時。季亨特同興疏。泇河廳隄汛境。每值伏秋汛期。上有汶泗等河。遞注之水。下有彭口山河。湧發之水。隄堰在在險重。雖有劉昌莊雙減插及十字河。通湖引渠。尚不足資宣洩。茲查運河東岸。修永插對過上首。與微湖緊連。較量形勢。必須建雙孔插一座。安設插板。相機啓閉。每遇汛水長發。卽啓插。收水入微山湖。俾增儲蓄。以汛漲有餘。補湖瀦不足。實於漕運隄工。兩有裨益。插工橋梁等項。估計共需工料。例幫二價銀三千二百餘兩。卽在運河庫節省。入東頂下。動支毋庸另請錢糧。倘按此奏。在嘉慶十八年三月二十日。時李任東河。同任東撫。吳敬李鴻賓疏。據運河道詳稱。泇河廳隄汛。運河東岸。滕字石工三號。修永插。建自康熙二十二年。嘉慶四年。拆修金門一孔。兩岸由身。雁翅原砌石九層。自拆修後。

已歷十五年。因泉水長流下注。啓閉接運。衝刷搜淘。又屢經山水漲發。急溜衝激。致金門兩岸牆石。由身轉角。上下雁翅。及槽石塌卸。插底石塊。掀揭參差。椿木朽腐。亟應徹底拆修。查該插面丁裏及插底舊石。因歷年已久。一經起卸。斷折殘損。面丁插底等石。選用十分之七。裏石選用十分之八。萬年枋。插耳二頂。全行添新。樽節確估。各工料並添備插板。築堤。耳水等項。共需例價銀九百八十二兩九錢。並加幫價銀三百三十二兩九錢。共估例幫二價銀一千三百五兩八錢。查係亟應拆修之工。按該廳冊造銀數。確覈無浮。請動用運河。兗沂兩道庫存節省八束銀兩。趕緊辦理。詳請會奏。臣等查修永單插。係東岸衆泉入運。達湖之路。現多損壞。啓閉難施。實屬難緩之工。謹循舊例。動用道庫節省八束銀兩。趕購料物。運集河干。速爲興辦。俾一律鞏固。以資儲蓄。以利運行。俯按此奏。在嘉慶十九年十月十七日。時吳任河東總河李任副總。

十里。右西灣。滕縣。

江北運程

卷二十三

美

山東運河備覽雙減插宣洩運河異漲。冬令挑工於彭口西灣修永插三處築堤。引水歸插。收入微湖。過減插。卽劉昌莊南爲沛縣境。有民便插。寨子下涵洞上涵洞。俱洩坡水入運。

國朝陳鳳翔吉綸吳邦慶疏查湖口插板十四塊。現贖水板二塊。湖水外達已屬有限。而江境河道綿長。復飭泇河廳在韓莊迤北之西灣。橫築土堤攔截十字河。及修永插之水盡入微湖。畧可增益湖潏。仍由湖口插下注。以資江境遞送。並無礙挑工。循按此奏。在嘉慶十四年十二月。

五里。十字河。滕縣東岸有彭口。

恂按四省運河圖作彭口十字河。東岸卽彭口。自東南來者彭口山河也。西岸有引渠通微山湖。合運河南北。形如十字。四省

運河圖說彭口山河發源費縣分水嶺並滕嶧兩境十二泉之

水。循按十二泉曰許由曰陳郝曰搬倒井曰溫水曰仰珠曰蕊珠曰東雙盛曰雙盛曰三山曰大勝曰溫水曰龍灣又按兩

溫水泉一屬入河濟運距河二百餘里又十字河山水驟漲挾

沙而來歷年挑挖沙積如山張公奏議彭口要害大沙河一道

上自費縣發源由彭口山河入運山水暴發沙隨水湧每致運

道淤淺歲事挑浚道臣董其事按彭口積沙每年如阜終歲挑

淺百倍艱難蓋滕邑薛沙彙諸泉水出沛縣之三河口以入運

河自明萬厯中開東西泇河乃築東邵埧於薛河中遇水使盡

入沙河由彭口入運而水挾沙以行故及冬挑浚歲不可少挑

江北運程

卷二十三

五

濬之法其初必築大埧於兩頭以攔河水又必逐段築土埧十

餘道以隔兩旁之水又必就岸築龍溝百餘丈以肩挑浚時流

聚之水及其竣事又必一一去之然後水可通行每歲浚河其

勞且費如此今應照康熙三十七年改挑新引河一道自柳園

池西起至仲家樓後大埧上止使山河水總歸呂埧以入湖自

此水有去路而畚鍤之功稍易云居濟一得每年彭口大挑宜

於上源築埧使水由三河口入運河又於運河彭口之上築攔

河大埧一道使運河之水由呂埧入微山湖則彭口上下內外

俱可以挑挖矣既挑完彭口運河俟開埧之後即將彭口內石

填上石埧下盡挑挖深通。俟五六月伏水將發之時。然後將三河口上源築埧。將彭口上源之埧開放。使水由彭口入運。然後將三河口石埧上下挑挖深通。以便大挑之時。使水仍由此入運。若以築埧不便。卽輪年遞挑。亦可。今年挑三河口。卽使水由彭口出。明年挑彭口。卽使水由三河口出。以一年之力挑河。河有不深通者乎。河官樂於簡便。止挑正河。而石埧上下置之不問。不知挑石埧上下。正河必不淤淺。不挑石埧上下。正河勢必淤淺。此必然之理也。今彭口每年止挑正河。一遇水漲。河身卽爲淤塞。糧船旣被阻滯。撈挖倍費人力。此予所目睹者也。其如

江北運程

卷二十三

罕

人情難於慮始。何哉。山東運河備覽北岸彭口山河。發源費縣分水嶺。距河二百餘里。內有仰珠大勝雙勝蕊珠三山龍灣等泉之水入河。濟運本在種家渡南。今謂之舊彭口。雍正二年。改挑於此。南岸有三洞橋。明萬曆年建。今廢。按今彭口對岸有引渠一道。名十字河。每遇山水驟發。令其直衝引渠。以備囊沙。然山河口門斜衝引渠。西岸沙岡。隨水傾卸。尤易淤高。乾隆三十九年。於口門兩岸加鑲草工。水勢取直。浮沙入引渠。餘波屈曲。可達微湖。或謂亦宜取直與湖相通。則山水挾沙而來。直至湖中。彭口上下。可免歲歲加挑。不知微山湖水下灌八牖。邳宿必

須上源水深乃敷挹注。如令河沙淤至，必致墊高湖底。蓄水愈少，濟運愈難。歲挑雖有小費，在所不免。又彭口廂未建之先，河水直抵韓莊，每以水去沙停爲患。乃自建廂以後，又倒灌至夏鎮以上。故近年彭口至夏鎮挑工較前倍多。按雍正四年，總河齊勤恪公以彭口噴沙爲害，宜在彭口南岸開運河三里餘。如月河形，借舊河以囊沙。運河始無淺阻。部議三里正河囊沙有限，而數十處噴沙無窮。不一二年卽致盈滿。非惟糜帑，更恐礙運。竊謂部駁是矣。然開此月河，使盛漲之時舟從月河行走，一面將舊河新淤照例挑挖，不且彼此無礙乎。至回空又可令其

江北運河

卷二十三

聖

全走月河。將正河大挑改爲九月興工，十月竣事。如明萬恭之議，不更便乎。河渠紀聞雍正四年，齊蘇勒議於彭口南岸開月河三里以濟淺。按彭口噴沙爲害最大。齊勤恪改種家渡南之舊彭口於十字河，而彭口沙仍堆積。又以下游無關束，復建廂以束之，而壅塞如故。蓋緣滕嶧薛沙匯諸泉出沛之三河口，以入運河。開廂後，築東邵埧於薛河中，遏水使盡入沙河，由彭口入運。而水挾沙行，歲必挑濬。初築大埧於兩頭，以攔河水，又必逐段築土埧十餘道，以隔兩旁之水。又須就岸築龍溝百餘丈，以屏挑濬時流聚之。水事竣，必去淨始可通行。歲以爲常，勞費

如此。故河防志有改挑引河使山水歸呂填入微湖。居濟一得有輪挑三河口。彭口並疏石埧上下河之說。然引山水入湖。墊高湖底。蓄水愈少。濟運愈難。輪挑亦費輾轉。石埧上下之河。仍不免停積。不得已而議於彭口南岸。另開新河三里餘。如月河形。借舊河以囊沙。期運無淺阻。部議三里正河囊沙有限。數十處泉河噴沙無窮。不一二年卽致盈滿。非惟糜費。亦恐礙運。誠爲通達事理。陸朗甫謂開此月河。使盛漲時舟從月河行走。仍可撈正河之淤。並令回空全走月河。正河大挑改於九月。如明代萬恭議。以爲於事有濟。然山河百泉壅至。仰珠大勝雙勝

江北運程

卷二十三

望

蕊珠三山龍灣等泉。匯滕沛諸泉分流之水。俱入彭口。所至停沙。惟有歲勤疏濬。無一勞永逸之道也。又乾隆三十八年。彭口兩岸加鑲草工。東山河之水。衝沙入於引渠。按彭口對岸引河名十字河。每遇山水驟發。令其直衝引渠。以備囊沙。惟口門稍斜向西。沙隨水卸。尤易填積。至是於口門兩岸鑲草護崖。取水勢直衝浮沙。以入引渠。餘波屈曲。可達微湖。居濟一得云。彭口水從三河口而出。三河者南石橋合沙薛爲三河也。其後改於彭口。亦照三河口建埧。每冬月挑河埧上築土埧。遏水他流。然後將石埧挑濬。使足容沙。而正河不致淤塞。其後止挑正河。石

埧上下置之不問。不知挑石埧上下。正河自不淤淺。此亦囊沙
 之一道。今彭口止挑正河。一遇水漲。河身即淤。糧運梗阻。撈空
 費力。而人情每難更始。或謂山河之水紆入微湖。衝沙力減。不
 如取直通湖。俾山水挾沙而來。直至湖中。彭口上下可免歲挑。
 陸朗甫以微山湖水下灌八牖。邳宿必須上源水深。乃敷挹注。
 如令河沙洊至。必至墊高湖底。蓄水愈少。漕運愈難。反不如歲
 挑之費小利便。真通論也。東河事宜冊。彭口山河口門。因斜向
 北趨。每致倒漾北流。乾隆四十一年奏。彭口徐家橋以下。孟家
 莊後改挑新河一道。直出口門入運。並堵築舊山河尾閘。藉作

囊沙。俾可免淤墊。皇朝通志又東經山東嶧縣西界。有盤龍

河來會。又東南經微山湖口北。水道提綱北受玉花河南派水又東折而

南。有盤龍河自東北來注之。盤龍河出嶧縣北黃家泉。西流數
十里折而南。又西南經臨城驛西

至彭口西入運。河續行水金南至沙溝營。西折而東南。經微山

鑑。今按此河即彭口山河。湖口北。微山湖南自徐州府北境北至運河長百五十里。東西
廣五十里。沛縣湖支渠其上源。單家集水自東南。西流

至魏家集。北折而西北。流為岡頭湖。經石山驛。西湖水廣闊。又
北。湖心有龜山。銅山黃山。其西受沛縣水。又北有微山。皆江南

界。其北為山東界。湖心有呂孟山。西轉漕衡湘筆記。王子十一

北自沙溝東南至韓莊。皆湖口也。月初十日。過十字河。東為彭口山河。入運處。西則吐納微山湖

水口也。山水多沙。歲濬積沙。夾岸如山。阜名曰沙山。是日泊十

字河南三里。當彭口。插北二里。山東全河備考。嶧縣許由泉。距縣北四十里。出陳郝集沙中。西南會溫泉南流。入滕縣百中河。至留城。自開新河。至呂孟湖。開泇河後。流至滕縣西倉橋。會彭口入運。又搬井泉。距縣西北六十里。由滕縣西倉橋四十里入嶧山湖。開泇後。亦由彭口入運。溫水泉。距縣西北五十里。出石溝營。五十里。會搬井泉。亦由彭口入運。又滕縣三山泉。距東南四十里。出羊莊村土中。一里會入藥珠泉。藥珠泉。距縣四十里。入溫水泉會河。大勝泉。距縣東南四十里。出羊莊村土中。一里入三山泉會河。雙勝泉。距縣東南四十里。出羊莊村土中。一里入藥珠泉會河。溫水泉。距縣南七十里。出匡山下土中。入西倉橋沙河。龍灣泉。又名泥溝泉。距縣南七十里。出林城社種家樓土中。五里入中山店沙河。黃家泉。距縣東南七十里。出黃山石縫中。八里入洪家林會河。以上諸泉。俱入彭口。

江北運程

卷二十三

器

國朝陳世倌疏彭口地方上會玉花泉諸水出以濟運。挾沙而來。兩岸山積對岸。設有三空橋。使沙隨水衝。直出橋外。年久壅積。益甚。糧艘至此。每苦阻滯。上年撫臣河臣會商。移此口於北二百四十餘丈。上築大埧。攔塞舊河。另開支河一道。以避淤沙。但上源流沙勢不能免。而支河入運處。又折迤北七十餘丈。方始入運。臣愚以爲水折則行緩。而沙停。且對岸無處出沙。恐停積運河。若將支河口直出運河。勢更湍急。沙可隨行。支河對岸。仿前人遺制。築三空橋。使沙衝入對岸湖內。則運河無虞。沙壅。倘按此奏。在雍正二年。戴均元疏。山東泇河廳滕汛十字河。向受費滕二縣泉水串運入湖。形同

江北運程

卷二十三

畢

十字為微湖收水要路每年鑲築裏頭掃工四座塘護沙山以防衝塌填塞入湖水道臣查上年十字河引渠估辦加鑲裏頭本年八月費縣山河陡長一丈一尺五寸奔騰下注灌入微湖收水應足何以僅長水六寸有餘昨赴韓莊密訪緣彼時水驟將十字河口門南北裏頭衝坍兩岸沙山因之傾卸河心實塞入湖之路致收水短少該廳董有恂並下將裏頭坍卸實報僅以趕緊搶撈具稟查稟開八月初二日長河水深七八尺十字河引渠過水二尺七八寸不等受淤處自三尺至七尺餘寸等語則河不通暢入湖此其明驗該廳並不小心防護以致淤塞湖路應請交部議處再十字河為山是以加湖之路如淤發時任其從運河直下南注則收蓄必誤是以加湖廳運河內彭口韓莊兩廂切近十字河口必須下板嚴密逼水入湖不令妄洩尤為緊要據運河道查各廂板塊不全宜洩太過稟明前河臣趕緊添板發交各廂應用乃該廂官並不早請添板任水妄洩實屬遲誤請將廂官錢仁毛槐一併革職以儆將來又疏前因十字河沙山傾卸加河同知防護不力據實參奏嗣委署同知錢日照將微湖引渠勘估挑挖以備收蓄據稟引渠外尚有淤灘七百餘丈高仰

五里。河彭口廂縣

至九尺有餘若不一律挑濬即將引渠疏通仍不能收水入湖臣思此引渠歷年估挑何以淤高至此查嘉慶十六年十一月前在加河同知師慕祖以囊沙引渠二百九十丈外接淤一百五十丈高於河底八尺四寸至四尺五寸不等稟請普加挑濬當經前河臣李亨特飭運河道徐國楠勘覆記該道視為具交一稟塞責至十七年二月始行具詳止將引渠二百九十丈估挑其接淤一百五十丈是否應挑並未聲覆致入湖之路愈淤愈遠日漸高仰雖山水漲發不能灌注歸湖湖查嘉慶十六十七兩年十字河疊次長水自四五尺至一丈不等而微湖涓滴未長且韓莊池下八廂每河臣赴廟工防汎各廂任其宣洩亦不稽查啓閉年復一年湖水消耗至今遂成乾涸職此之故前任運河道徐國楠在任兩年並不將該處接淤詳辦一任湖路壅塞又不知加意惜水迄今諸費周章貽誤為甚應請交部議處恂按兩奏俱在嘉慶十八年十一月十七日奏上徐國楠革職

全漕運道圖。滕縣彭口牐。甲庚向沛縣夏鎮牐至此二十里。轉

漕衡湘筆記彭口牐。俗稱滕沛牐。漕運全書險隘處所彭口大

牐。俗稱新牐。恂按萬里雲程作彭家牐。並云第四十三牐。俗呼

滕沛牐。泇河廳冊彭口牐牐官一員。乾隆四十六年裁去滕沛牐官添設彭口牐官專司

所管彭張二牐牐夫三十八名。彭口二十二名張阿十六名彭口牐一座。金

門寬二丈四尺。兩岸由身各長二丈二尺。南北兩岸上雁翅各

斜長八丈。下雁翅各斜長九丈六尺。其長三十九丈六尺。砌石

十六層。高一丈九尺二寸。牐夫二十二名。南至張阿牐二十三

里。乾隆二十四年嗣拆修將南岸下雁翅接長三丈。北岸下雁翅接

江北運程

卷二十三

吳

長四丈。普律加高三層。其砌石十九層。高二丈二尺八寸。拆修係在

嘉慶二十二年彭口牐越河一道。長一百四十六丈。彭口牐下起。至滕

字土工十九號。隄堰高阜並無工程滕字土工十九號。黃埠莊下隄工一

段。長五丈。底寬二丈六尺。頂寬六尺。高五尺。乾隆二十四年修築四十八年補修

嘉慶四年重修滕字土工十八號。隄工一段。長四十六丈五尺。底寬二

丈六尺。頂寬六尺。高五尺。乾隆二十四年修築四十八年補修嘉慶四年重修。滕字土工

十七號。隄工一段。長一百六十五丈。底寬二丈六尺。頂寬六尺。

高五尺。乾隆二十四年修築四十八年補修嘉慶四年重修。滕字土工十六號。隄工一段。

長一百丈。底寬三丈。頂寬六尺。高六尺。乾隆二十四年修築四十八年補修嘉慶四年

重修。滕字土工十五號。隄工一段。長八十丈。底寬三丈二尺。頂寬

六尺。高六尺五寸。乾隆二十四年修築。四十八年補修。嘉慶四年重修。滕字土工十四號。

隄工一段。長一百七十七丈。底寬三丈。頂寬六尺。高六尺。乾隆二十四年修築。四十八年補修。嘉慶四年重修。滕字土工十三號。隄工一段。長一百五十

二丈七尺。底寬四丈六尺。頂寬一丈。高九尺。乾隆二十四年修築。四十八年補修。

嘉慶四年重修。滕字土工十二號。隄工一段。長三百七丈三尺。底寬四

丈二尺。頂寬一丈。高八尺。乾隆二十四年修築。四十八年補修。嘉慶四年重修。滕字土工

十一號。柳圍頭隄工一段。長一百六十丈。頂寬四丈一尺二寸。

頂寬一丈。高八尺八寸。乾隆二十四年修築。四十八年補修。嘉慶四年重修。滕字土工十

江北運程

卷二十三

畧

號柳圍頭南碎石工一段。長七百八十七丈。原底寬四丈二尺。

頂寬一丈。高八尺。乾隆二十四年修築。四十八年補修。嗣堆砌碎石坦坡。底寬四尺。頂寬

二尺。高四尺。石後築土。底寬三丈八尺。頂寬二丈四尺。高四尺。

上加土頂。底寬二丈六尺。頂寬一丈。高四尺。坦坡。嘉慶四年堆砌。恂按原冊此

下紀滕字石工二號。張阿運河西岸。恂按原冊於西岸首紀接上涵洞。詳下張阿插條。劉昌莊交界起一截。詳上

湘河經滕縣自夏鎮插南劉昌莊上接沛縣入境起條。接前引渠口門。恂按謂彭口。裏頭

埽工至彭口。插。隄堰高阜。並無工程。接彭口。插至黃埠莊下。隄堰高阜。並無工程。滕

字土工七號。黃埠莊池下隄工一段。長五十三丈五尺。底寬一

丈七尺。頂寬一丈。高五尺六寸。乾隆二十四年修築。四十八年補修。嘉慶四年重修。滕字

土工六號。隄工一段。長十三丈。底寬二丈八尺。頂寬一丈。高六

尺。乾隆二十四年修築。四十八年補修。嘉慶四年重修。滕字石工十八號。臨湖一面碎石

排椿工一段。長七十八丈。椿內堆砌碎石。底寬七尺。頂寬四尺。

高五尺。石後築土。底寬二丈三尺。頂寬一丈二尺。高五尺。上加

土頂。底寬一丈六尺。頂寬一丈。高二尺。乾隆二十四年建修。四十八年補修。嘉慶四年

重修。滕字石工十七號。舊水口四處湖面碎石排椿工一段。長十

七丈二尺。椿內堆砌碎石。底寬七尺。頂寬四尺。高五尺。石後築

土。底寬二丈三尺。頂寬一丈二尺。高五尺。上加土頂。底寬一丈

六尺。頂寬一丈。高二尺。乾隆二十四年建修。四十八年補修。嘉慶四年重修。滕字土工五

江北運程

卷二十三

吳

號。隄工一段。長九十一丈六尺。底寬三丈。頂寬一丈。高六尺。六

寸。乾隆二十四年修築。四十八年補修。嘉慶四年重修。滕字土工四號。隄工一段。長五十

丈。底寬二丈八尺。頂寬一丈。高六尺。乾隆二十四年修築。四十八年補修。嘉慶四年重修。

滕字石工十六號。三里溝湖面碎石排椿工一段。長十三丈。四

尺。椿內堆砌碎石。底寬一丈一尺。頂寬八尺。高五尺。石後築土。

底寬一丈九尺。頂寬八尺。高五尺。上加土頂。底寬一丈六尺。頂

寬一丈。高二尺。乾隆二十四年修築。四十八年補修。嘉慶四年重修。滕字土工三號。隄工

一段。長一百六十六丈。底寬二丈八尺。頂寬一丈。高六尺。乾隆二十四年修築。四十八年補修。嘉慶四年重修。

按原冊此下紀滕字石工十五號。郝山池北湖面碎石排椿。玉詳下赤山條。

山東運河備覽舊志。自韓莊至夏鎮相距七十里。地勢平行。塘長水弱。並無廂座關束。兼東南山河一道。向由沛汎三河口入運。故下游建有楊莊夏鎮二廂。上啓下閉。以爲收蓄。前明萬厯間。將入運口門移於滕汎之舊彭口。山水驟漲。挾沙而來。歷年挑挖。積沙如山。國朝雍正二年。復移於今之十字河。旋又堆沙壅塞。運道淺阻。總緣下游無廂關束。水過沙停。議於彭口以下。創建此廂。北距夏鎮二十里。南距韓莊五十里。又由韓莊廂至彭口廂。東岸劉家口涵洞。從狼尾溝潦泉。逸性義村。復出口濟運。吳家橋涵洞。無來源。坡水入運。入滕縣境。東岸張阿下涵洞。上涵洞相距三里。俱洩伏秋東山一帶坡水。全河備考。燦星泉。距滕縣九十里。出張阿莊土中。直入運河。西岸三里減廂。馬蘭減廂。朱姬莊減廂。俱洩異漲。入微山湖。

江北運程

卷二十三

兗

國朝張師載阿爾泰海明請建彭口新廂疏。東省運河南至臺莊。北抵臨濤。共四十八廂。皆因泉流微弱。賴各廂關鎖。以時啓閉。方資浮送。其地勢建瓴之處。約三五里一廂。七八里一廂。其地勢平行者。約二三十里一廂。雖極遠者。亦不過四五十里。惟夏鎮廂至韓莊廂。七十里。長塘並無廂座。且其中。有彭口山河發源。費縣經鄒嶧。滕諸境。流長二百餘里。泉山環抱。水性渾濁。挾帶泥沙。一經漲發。全河淤墊。雖常年估挑。終歲撈浚。僅免阻誤。而辦理竭蹶。漕船濡滯。往來盤剝。官丁歲受其累。查前明中葉。彭口山河原在沛縣三河口。迤下五里有楊莊廂。再八廂有夏鎮廂。互相啓閉。以資收蓄。明季始改於彭口。然河口雖移。廂座未建。流遠河長。無可收蓄。實係前人未竟之緒。今歲回空盛行。時彭口又因水長。噴沙淤淺。

梗塞臣等於彭口下漸家口蔣家集二處仿照廂式試建草
埧中下排板亦令上啓下閉互相關鍵漕船始得過行已有
成效但草埧只可暫用一時下無根底一經啓放水激沙刷
埧塘墊卸難以經久請於蔣家集添建石廂一座北距夏鎮
三十里南距韓莊四十里上下關會互相啓閉其建廂石料
查有舊彭口三孔石橋一座現在淤埋泥底與其棄之無用
不如卽將此舊石創空儘數選用此外不過添購椿灰錠錫
夫工等項並添開月河便足集事至此管官夫查有六里石
廂現行月河可以減撥夫二十各夏鎮廂官改為滕沛廂官將
以抽撥夫十各其三各卽以夏鎮廂官另行更設倘按此奏
彭口新廂歸併管理官夫經制俱無庸另行季逢亨疏沂河
在乾隆二十三年十一月疏入如所議行
廳滕汛彭口廂係乾隆二十四年修建北至夏鎮廂南至張
阿韓莊二廂上下相距七十里惟藉此廂關蓄且逼近彭口
山河伏秋汛內山水漲發十字河上下受淤深厚全賴此廂
隨時啓閉調劑水勢浮送漕船最為喫重實爲運河緊要關
鍵茲據運河道詳稱歷年久遠底椿朽腐金門由身雁翅牆
石全行散裂牆底衝掀參差槽石破碎束板不嚴亟應徹底

江北運程

卷二十三

三

拆修且南北兩岸下雁翅稍短每遇糧艘抵廂板時溜勢
建瓴直瀉致將下雁翅尾接連之老崖不惟衝刷塌卸且因
緊靠民居樺夫托足維艱必須量爲接長並恐伏秋大汛山
水暴漲宣洩不及水漫廂背又兼江廣幫船體笨重提溜打
放船身高於廂背易致觸碰應於廂背上面普律加高三層
俾擎托十字河山水並免觸碰之虞再該廂既經加高接長
所有廂面石下馬牙椿後梅花椿亦應照舊制加添兩路月
河亦入未挑淺淤成平陸應照依現在形勢展挑一律深通
至該廂鋪底石塊並牆面海漫石襯裏石分別選舊添新其
萬年枋廂耳二項並廂底椿木兩牆後襯磚均皆損壞不堪
選用請該道遵照原臣因原估銀數浮多嚴行批駁並委員確
勘茲據該道遵照刪減實估例幫價銀一萬六千六百六十
七兩造冊請奏並請動司庫地丁銀兩卽理臣查彭口廂上
承十字河山水下注非盛漲水漫廂背卽石縫查漏不能下
板蓄水漕艘往來經行所關匪細必應趕緊拆修堅整該道
冊估銀數覆覈無浮漕船回空過完後卽須趕緊興辦於明
年鋪水以前普律完竣懇請動撥司庫銀兩趕辦於漕運實
有神益倘按此奏在嘉慶二十一年七月十七日時任東河

疏入
照准

八里。三娘廟。滕縣

水程細數單三娘廟有汛。

十里。左岸赤山。滕縣地南河有張阿廂。

水程細數單赤山又名郝山有張阿廂山東通志微山在滕縣

南一百里下為微山湖又東南為赤山下為赤山湖全漕運道

圖滕縣張阿廂已亥向彭口廂至此二十五里東岸有郝山張

阿廂在山池南轉漕衡湘筆記十二日月下泊郝山麓泖河廳

冊滕字石工二號張阿上涵洞一座金門寬一丈二尺兩岸由

江北暹程

卷二十三

辛

身各長二丈上下四雁翅各斜長八尺其長七丈二尺砌石五

層高六尺洩坡水入運。乾隆二十四年建修。四十八年滕字土

工九號張阿下碎石隄工一段長二百五十丈原底寬四丈五

尺二寸頂寬一丈高八尺八寸。乾隆二十年修築。嗣堆砌碎石坦坡底

寬四尺頂寬二尺高四尺石後築土底寬四丈一尺二寸頂寬

二丈七尺二寸高四尺上加土頂底寬二丈九尺二寸頂寬一

丈高四尺八寸。坦坡嘉慶四年堆砌。張阿廂一座金門寬一丈四尺兩岸

由身各長二丈三尺上雁翅各斜長六丈下雁翅各斜長五丈

五尺其長二十七丈六尺砌石十四層高一丈六尺八寸廂夫

十六名。南至韓莊。廂二十七里。嘉慶十九年。廂拆修上二層。加高三

層。砌石十七層。高二丈四寸。又於東岸下雁翅接長四丈。西岸

下雁翅接長三丈。砌石十一層。高一丈三尺二寸。嘉慶二十五年。拆修加高。

張阿廂越河一道。長一百一十丈。滕字石工一號。張阿下涵洞

一座。金門寬一丈二尺。兩岸由身各長二丈。上下四雁翅各斜

長八尺。共長七丈二尺。砌石五層。高六尺。洩坡水入蓮。乾隆十四年

建四十八年。補修。嘉慶四年。二十一。年拆修。滕字土工八號。黃家汪碎石隄工一段。

長二百六十八丈。原底寬四丈六尺。頂寬一丈。高九尺。乾隆十四年

修。廂堆砌碎石坦坡。底寬四尺。頂寬二尺。高四尺。石後築土底

江北運程

卷二十三

垂

寬四丈二尺。頂寬二丈八尺。高四尺。上加土頂。底寬三丈。頂寬

一丈。高五尺。坦坡嘉慶四年。堆砌。滕字土工七號。碎石隄工一段。長二百

二十五丈。原底寬四丈五尺二寸。頂寬一丈。高八尺八寸。乾隆十四年

修築。廂堆砌碎石坦坡。底寬四尺。頂寬二尺。高四尺。石後築土

底寬四丈一尺二寸。頂寬三丈七尺二寸。高四尺。上加土頂。底

寬二丈九尺二寸。頂寬一丈。高四尺八寸。坦坡嘉慶四年。堆砌。滕字土工

六號。碎石隄工一段。長二百五丈。原底寬四丈六尺。頂寬一丈。

高九尺。乾隆十四年。修築。廂堆砌碎石坦坡。底寬四尺。頂寬二尺。高四

尺。石後築土底寬四丈二尺。頂寬二丈八尺。高四尺。上加土頂。

底寬三丈。頂寬二丈。高五尺。坦坡嘉慶四年堆砌。滕字土工五號。碎石隄

工一段。長三丈五尺。原底寬四丈五尺二寸。頂寬一丈。高八尺

八寸。乾隆二十四年修築。嗣堆砌碎石坦坡。底寬四尺。頂寬二尺。高四尺。

石後築土。底寬四丈一尺二寸。頂寬二丈七尺二寸。高四尺。上

加土頂。底寬二丈九尺二寸。頂寬一丈。高四尺八寸。坦坡嘉慶四年堆砌。

滕字土工四號。華家渡碎石隄工一段。長三百九十一丈。原底

寬四丈六尺。頂寬一丈。高九尺。乾隆二十四年修築。嗣堆砌碎石坦坡。底

寬四尺。頂寬二尺。高四尺。石後築土。底寬四丈二尺。頂寬二丈

八尺。高四尺。上加土頂。底寬三丈。頂寬一丈。高五尺。坦坡嘉慶四年堆砌。

江北運程

卷二十三

五

滕字土工三號。華家渡南隄工一段。長一百八十丈。底寬四丈

二尺。頂寬一丈。高八尺。乾隆二十四年修築。四十

號。隄工一段。長一百七十六丈。底寬三丈八尺。頂寬一丈。高七

尺。乾隆二十四年修築。四十

八年補修。嘉慶四年重修。滕字土工一號。吳家橋交界止。隄

工一段。長二百九十四丈。底寬三丈八尺。頂寬一丈。高七尺。乾隆二十四年修築。四十八

年補修。嘉慶四年重修。運河西岸。滕字石工十五號。郝山池北

湖面碎石排椿工一段。長十丈四尺。椿內堆砌碎石。底寬七尺。

頂寬五尺。高六尺。石後築土。底寬二丈三尺。頂寬一丈一尺。高

六尺。上加土頂。底寬一丈六尺。頂寬一丈。高二尺。乾隆二十四年修築。四十四

八年補修又嘉慶四年修滕字土工二號接前隄工一段長二百一十五丈

底寬三丈頂寬一丈高六尺七寸乾隆二十四年修築四十年補修嘉慶四年重修

前至滕字土工一號民堰長六十丈民修滕字土工一號郝山隄

工一段長一百六十丈底寬二丈八尺頂寬一丈高六尺乾隆二十年

四年修築四十八年補修嘉慶四年重修滕字石工十四號湖河兩面碎石排椿工

一段長八十五丈椿內堆砌碎石各底寬七尺各頂寬四尺高

七尺內填土底寬一丈六尺頂寬八尺高七尺上加土頂底寬

一丈六尺頂寬一丈高三尺乾隆二十四年建修四十八年嘉慶四年補修滕字石工

十三號湖面碎石排椿工一段長一百六十五丈椿內堆砌碎

江北運程 卷二十三 五

石底寬七尺頂寬四尺高七尺石後築土底寬二丈三尺頂寬

一丈二尺高七尺上加土頂底寬一丈六尺頂寬一丈高三尺

乾隆二十四年建四十八年嘉慶四年二十四年補修滕字石工十二號接前臨湖一面

碎石排椿工一段長一百三十丈椿內堆砌碎石底寬七尺頂

寬四尺高七尺石後築土底寬二丈三尺頂寬一丈二尺高七

尺上加土頂底寬一丈六尺頂寬一丈高三尺乾隆二十四年建四十八年及

嘉慶四年二十四年補修滕字石工十一號接連臨湖一面碎石排椿工一

段長一百丈椿內堆砌碎石底寬七尺頂寬四尺高六尺八寸

石後築土底寬二丈三尺頂寬一丈二尺高六尺八寸上加土

頂底寬一丈六尺。頂寬一丈高三尺。乾隆二十四年建四十八年嘉慶四年二十四年補

修。滕字石工十號。接連臨湖一面碎石排椿工一段。長四十丈。

椿內堆砌碎石。底寬七尺。頂寬四尺。高六尺。石後築土。底寬二

丈三尺。頂寬一丈二尺。高六尺。上加土頂。底寬一丈六尺。頂寬

一丈高三尺。乾隆二十四年建四十八年嘉慶四年補修。滕字石工九號。接連臨湖

一面碎石排椿工一段。長一百二十丈。椿內堆砌碎石。底寬七

尺。頂寬四尺。高六尺。石後築土。底寬二丈三尺。頂寬一丈二尺。

高六尺。上加土頂。底寬一丈六尺。頂寬一丈高二尺。乾隆二十四年建四

十八年嘉慶四年補修。滕字石工八號。郝山南減水橋一座。金門寬

江北運程

卷二十三

五

一丈五尺。兩岸由身各長一丈二尺。東岸雁翅各斜長二丈五

尺。西岸雁翅各斜長二丈。兩岸共長十一丈四尺。砌石十層。高

一丈二尺。上搭橋梁。乾隆十五年建四十八年嘉慶四年十七年拆修。郝山南減橋引

渠一道。長五百七十五丈。洩運河異漲之水入湖。滕字石工七

號。張阿湖面大石工一段。長一千一百二十一丈。內北首二百

五十八丈。砌石八層。高九尺六寸。中間七百丈。砌石七層。高八

尺四寸。南首一百六十三丈。砌石八層。高九尺六寸。河面均係

土餞。底寬二丈。頂寬八尺。高七尺六寸。雍正十一年建乾隆四十八年嘉慶四年補修

滕字石工六號。馬令臨湖一面碎石排椿工一段。長七十八丈。

五尺。椿內堆砌碎石。底寬七尺。頂寬四尺。高六尺。石後築土。底寬二丈三尺。頂寬一丈二尺。高六尺。上加土頂。底寬一丈六尺。

頂寬一丈。高二尺五寸。乾隆二十四年建四十八年補修。嘉慶四年二十四年補修。膝字石工。

五號。湖面碎石排椿工一段。長四百二十八丈。椿內堆砌碎石。

底寬七尺。頂寬四尺。高七尺。石後築土。底寬二丈三尺。頂寬一

丈二尺。高七尺。上加土頂。底寬一丈六尺。頂寬一丈。高二尺。乾隆

二十四年建四十八年及嘉慶四年二十四年補修。膝字石工四號。馬令工減水牐一座。

金門寬一丈五尺。兩岸由身各長一丈二尺。東雁翅各斜長二

丈五尺。西雁翅各斜長二丈。兩岸共長十一丈四尺。砌石十層。

江北運程 卷二十三 美

高一丈二尺。上搭橋梁。乾隆十五年建四十八年重修。馬令減

牐引渠一道。長五百五十丈。洩運河異漲之水入湖。恂按原册

字石工三號。馬令工起至朱姬莊。恂按張阿牐嘉慶十八年建

止湖面大石工。詳下朱姬莊條。此下紀膝

萬里雲程以此為第四十四牐。

國朝吉綸趙佩湘疏韓莊牐以上至彭口牐計五十里。倒板

水不能貫注。中間祁山地方水易散漫。令趕築東水埧。以資

鈴束。恂按此奏在嘉慶十四年。李亨特請建張阿牐疏東

省運河南自臺莊北抵臨清。共石牐四十九座。原以春夏糧

艘重運。經臨汶泗來源。微弱運道易淺。全賴各牐節節關蓄

啓閉。以時方資浮送。其間或數里一牐。或十數里一牐。或數

十里一牐。凡地勢平衍之處。雖牐塘較遠。無虞淺滯。若地勢

建。每必須牐塘較近。且上下牐道里不甚相懸。方能鋪灌。均

勻。運行暢順。查泖河廳滕汛彭口牐南至韓莊。計五十里。

北至夏鎮。牐僅二十里。而該處偏近八牐。勢又建。每值韓

江北運程

卷二十三

卷

莊廂過船閉板水勢枯耗之後夏鎮廂起板放船以上游二十里之水勢注下游五十里之廂塘往往不敷鋪灌船行艱蹇必須起剝是以四月內先經奏明在韓莊上下鑲築束水草填三道層層攔蓄運行得無阻滯然草填蓄水不過暫時補救臣駐劄韓莊兩月有餘體察形勢應於彭口韓莊兩廂適中張阿地方添設正廂一座南至韓莊廂二十七里北至彭口廂二十三里有此一廂按漕啓閉則上下河道里數遠近不甚相懸鋪水均勻又不致過耗實可利漕速運漕臣阮元日前馳赴臨清順道韓莊會同查看微山湖水勢測量湖口廂漫板水尺寸會商添廂座意見相同臣現較韓莊彭口兩廂廂底高下相度形勢並將應挑月河應築攔河大坦確估工料土方例幫二價共需銀八千八百八十餘兩請於運河道庫墊發務於來年重運前報竣覈銷由司撥還歸款該管官夫向設彭口廂額夫三十名韓莊廂額夫二十八名每廂抽撥八名可資啓閉歸併彭口廂官兼管是官夫經制俱毋庸另議更張而於漕運機宜實有裨益倘按此奏在嘉慶十八年五月校時任東河疏入照所議行嗣於十九年九月六日總河吳璥副總河李鴻賓奏報此項工程與拆修天井

十五里木蘭寺縣

縣

廂工是年閏二月四月先後完竣李鴻賓疏泖河廳滕汛張阿廂一座係嘉慶十九年建立北距彭口廂二十三里南距韓莊廂二十七里廂塘甚長全賴此廂關蓄水勢以濟漕運因地勢本窪廂牆又復卑矮頻年每遇山河漲發水漫廂背卽尋常水勢廂牆亦只出水二三尺糧船經過假窩提溜船身高於廂背時有磕碰之虞其兩岸下廂翅較短提溜人夫挽拽不能得力應將東岸下廂翅接長四丈西岸下廂翅接長三丈各砌石十一層高一丈三尺二寸以利牽挽惟現在兩岸廂牆上二層由身雁翅海漫各石塊可以多碰損脫落廂耳亦皆斷拆尤須先將此二層拆修平整方多應加高至月河堤工本屬窄矮修後已歷數載埽料朽爛亦應展寬加高方能與廂座形勢相準得以分洩漲水不致旁溢茲據運河六道確實覈估除選用舊料共估例幫二價銀二千五百九十六兩請動支河庫節省八束銀兩辦理具詳請奏臣前經查勘實係應修之工所估工料銀數無浮請照動項飭廳趕辦倘按此奏在嘉慶二十五年十一月八日疏入依議

五里左岸朱姬莊滕縣

張公奏議滕縣河道至朱姬莊止。簡按山東通志山川志亦云滕縣運河在縣南朱姬莊入

境。惟漕運紀程及奏議滕縣事宜作吳家橋考運河全圖吳家橋在朱姬莊南。漕運紀程滕縣王簿該

管隄埧東岸有彭口嶧縣溫水等泉由此入運。因噴沙爲害。按

年大小挑以導之。自朱姬莊至郝山有埧工長二千三百八十

一丈。有彭口石埧三河大埧。各支河內有東邵驩城皇甫三埧。

又种家海口舊三河口有板工二段。長二百三十丈。雍正六七

等年建。西岸卽微山湖之東隄也。向有土隄。長三百六十五丈。

與嶧汎相接。雍正十一年改建石工。又彭口大王廟三空橋有

江北運程

卷二十三

奏

板工二段。長一百四十五丈。雍正六七等年建。一統志滕縣臨

湖隄。在滕縣南運河西岸。東自嶧縣界韓莊插而西入縣境。歷

江南徐州府沛縣接魚臺縣界。長七十里。以隔湖水。轉漕衡湘

筆記。十三日未刻過朱姬莊入嶧縣界。湖坡多淺。地有石塊樹

株。是日風輕。水平不波。左望郝山。右望微山。寒烟明瑟。遠樹蕭

森。風景殊勝。泃河廳冊運河西岸。滕字石工三號。馬令工起。至

朱姬莊止。湖面大石工一段。長四百四十五丈。砌石八層。高九

尺六寸。河面碎石排椿上鋪海漫一層七路。寬八尺四寸。高一

尺二寸。椿內堆砌碎石。底寬四尺。頂寬三尺。高六尺。海漫石下

中心填土底寬五尺二寸頂寬五尺四寸高六尺雍正十年建

年拆修嘉慶四年 膝字石工二號朱姬莊減水牖一座金門寬乾隆四十八

一丈五尺兩岸由身各長一丈二尺東雁翅各斜長二丈五尺

西雁翅各斜長二丈兩岸其長十一丈四尺砌石九層高一丈

八寸雍正四年建乾隆四十八年拆 朱姬莊減牖引渠一道長嘉慶四年補修十七年拆修

四百三十丈洩運河異漲之水入湖膝字石工一號朱姬莊起

至吳家橋止湖面大石工一段長六百三十四丈四尺內北首

朱姬莊大石工長三百八十七丈七尺砌石八層高九尺六寸

南首吳家橋大石工長二百四十六丈七尺砌石九層高一丈

江北運程 卷二十三

堯

八寸河面均係碎石排椿上鋪海漫一層七路寬八尺四寸高

一尺二寸椿內堆砌碎石底寬四尺頂寬三尺高六尺海漫石

下中心填土底寬五尺二寸頂寬五尺四寸高六尺雍正四年

四十八年拆修嘉慶四年補修二十

二十一兩年間段拆修上三四五層 右自劉昌莊起至朱姬莊泃河行膝縣境計程五十八里

西入嶧縣界恂按漕運全書膝縣險隘處所凡三十一曰

修永牖俗稱松洛牖內係 曰乾溝曰雙減牖曰西灣村曰

彭口十字河曰營房曰公館曰種家渡口曰斷隄口曰舊

中心十字河俗稱三空橋 曰彭口大王廟曰漸家口曰彭口大牖上

越河頭曰牖窩曰牖下越河尾曰王家水口曰蔣家集曰

三娘娘廟

卽黃埠莊

曰潘家渡口卽官隄頭曰三里溝曰祁山村曰

三里減牖曰張阿渡口曰張阿上涵洞曰張阿下涵洞曰

黃家汪曰馬令工減牖曰朱姬莊減牖曰朱姬莊曰華家

渡曰吳家橋並言汶上嘉祥鉅野濟甯魚臺滕等州縣衛

河道水俱平緩每逢伏秋汛漲坡水匯歸穿運宣洩如開

放越河分洩水勢則越河頭掣溜吸舟越河尾出水橫截

兼之牖門溜勢湍急漕船經行每虞走溜最爲險隘

又按河防

志滕縣河道北自江南沛縣界劉昌莊起南至嶧縣界朱姬莊止計長五十里較水程細數單縮入里萬里雲程劉

江北運程

卷二十三

本

昌莊四里西灣四里新十字河四里彭家牖六里十字河

五里彭家口四里祁十里張阿牖十里朱姬莊計自劉昌莊至朱姬莊共四十七里

較水程細數單縮十一里

黃家莊曰馬令工減牖曰朱姬莊減牖曰朱姬莊曰華家

渡曰吳家橋並言汶上嘉祥鉅野濟甯魚臺滕等州縣衛

河道水俱平緩每逢伏秋汛漲坡水匯歸穿運宣洩如開

放越河分洩水勢則越河頭掣溜吸舟越河尾出水橫截

兼之牖門溜勢湍急漕船經行每虞走溜最爲險隘

志滕縣河道北自江南沛縣界劉昌莊起南至嶧縣界朱姬莊止計長五十里較水程細數單縮入里萬里雲程劉

江北運程卷二十三終

